



FEDERATA E BASKETBOLLIT TË KOSOVËS
KOSOVO BASKETBALL FEDERATION
KOŠARKAŠKI SAVEZ KOSOVA

Federata e Basketbollit
të Kosovës

+383 49 738 080
federata@basketbolli.com

Lagjia "Arbëria"
Blloku C3, Nr.83
Str: Radovan Zogovic
10 000 Prishtina

PROPOZICIONET E GARAVE **për Kategoritë Seniore** ***edicioni 2026/27***

Prishtinë, 30.07.2026



PËRMBAJTJA

GARAT E BASKETBOLLIT TË FBK-SË.....	9
NENI 1 - DISPOZITAT THEMELORE DHE AKTET NORMATIVE	9
NENI 2 - GARAT E BASKETBOLLIT DHE RREGULLAT ELEMENTARE TË LOJËS SË BASKETBOLLIT	10
NENI 3 - KOMISIONI I GARAVE, KOMESARI I GARAVE DHE KOMISIONI PËR NOMINIMIN E PERSONAVE ZYRTARË TË NDESHJEVE	12
NENI 4 - SHTOJCAT E PROPOZICIONEVE TË GARAVE	13
NENI 5 - RREGULLAT ZYRTARE TË BASKETBOLLIT	13
NENI 6 - SISTEMI I GARAVE	13
NENI 7 - KALENDARI I GARAVE.....	13
NENI 8 - NUMRI I KLUBEVE PJESËMARRËSE NË GARAT VENDORE DHE NDËRKOMBËTARE.....	14
NENI 9 - TËRHEQJA E SHORTIT TË NUMRIT GARUES.....	15
NENI 10 - PALESTRAT PËR ZHVILLIMIN E NDESHJEVE	15
NENI 11 - KALENDARI DHE SISTEMI GARUES.....	16
11.1. Superliga Meshkujt	16
11.2. Superliga femrat	17
11.3. Liga zhvillimore U21 për vajzat	17
11.4. Liga e Parë Meshkujt.....	18
11.5. Liga e Dytë Meshkujt.....	18
TË PËRGJITHSHME	19
NENI 12 - SHTYRJA E NDESHJES	19
NENI 13 - REGJISTRIMI I LOJTARËVE-EVE, E DREJTA PËR TË LUAJTUR	20
NENI 14 - LOJTARËT-ET, PAJISJA.....	23
NENI 15 - TRAJNERËT	23
NENI 16 - PERSONAT ZYRTARË TË EKIPIT	24
NENI 17 - KUSHTET E LICENCIMIT TË PËRFAQËSUESIT ZYRTAR TË EKIPIT	26
NENI 18 - DHËNIA E DEKLARATAVE DHE KOMENTIMI I NDARJES SË DREJTËSISË.....	26
ORGANIZIMI PARA FILLIMIT TË NDESHJES.....	27
NENI 19 - ORGANIZIMI I NDESHJES	27
NENI 20 - PALESTRA	29
NENI 21 - LOKALET ZYRTARE.....	29
NENI 22 - FUSHA E LOJËS	29
NENI 23 - BANKINAT PËR EKIPE.....	30
NENI 24 - TAVOLINA ZYRTARE	31
NENI 25 - SEMAFORI ELEKTRONIK.....	32



NENI 26 - APARATURA PËR 24 SEKONDA.....	32
NENI 27 - TOPI I LOJËS	32
NENI 28 - TEMPERATURA NË PALESTRA	32
NENI 29 - ZËRIMI	33
NENI 30 - REZERVIMET E BILETAVE DHE FTESAVE PËR EKIPIN MYSAFIR DHE ZYRTARËT DHE TË FTUARIT E FBK	33
NENI 31 - OBLIGIMET E EKIPIT MYSAFIR	34
ORGANIZIMI GJATË KOHËS SË NDESHJES	34
NENI 32 - FILLIMI I NDESHJES	34
NENI 33 - RRJEDHA E NDESHJES	36
NENI 34 - GRUPET SIMPATIZUESE, MASKOTA	36
NENI 35 - INSTRUMENTET MUZIKORE	37
ORGANIZIMI - PAS PËRFUNDIMIT TË NDESHJES.....	37
NENI 36 - STATISTIKA E NDESHJES.....	37
NENI 37 - VIDEO XHIRIMI	38
NENI 38 - SHPALLJA E REZULTATIT PËRFUNDIMTAR TË NDESHJES.....	38
NENI 39 - RAPORTI I VËZHGUESIT/PROTOKOLLI	38
PERSONAT ZYRTARË NË NDESHJE.....	39
NENI 40 - VËZHGUESI.....	39
NENI 41 - GJYQTARËT	40
NENI 42 - GJYQTARËT NDIHMËS	44
NENI 43 - TAKSA DHE SHPENZIMET E UDHËTIMIT	44
ANKESA NË NDESHJE	44
NENI 44 - ANKESA NË NDESHJE	44
NENI 45 - ANKESA NË VENDIMIN E KOMISIONIT TË GARAVE.....	46
NENI 46 - REGJISTRIMI I NDESHJEVE.....	47
NENI 47 - MËNYRA E NDARJES SË PIKËVE, PËRCAKTIMI I PLASMANIT	47
DISPOZITAT FINANCIARE	48
NENI 48 - PAGESAT DHE SANKSIONET PËR SHKELJE	48
NENI 49 - ANKESA NË VENDIMIN E SUSPENDIMIT TË KLUBIT	49
SHKELJET DHE DËNIMET	49
NENI 50 - SHKELJET DHE DËNIMET PËR ORGANIZIM TË DOBËT TË NDESHJES	49
NENI 51 - SHKELJET DHE DËNIMET PËR SJELLJE TË SHIKUESVE	51
NENI 52 - SHKELJET DHE DËNIMET PËR PJESETARËT E EKIPEVE	53
NENI 53 - VËZHGUESI, GJYQTARËT DHE GJYQTARËT NDIHMËS	56



FEDERATA E BASKETBOLLIT TË KOSOVËS
KOSOVO BASKETBALL FEDERATION
KOŠARKAŠKI SAVEZ KOSOVA

Federata e Basketbollit
të Kosovës

+383 49 738 080
federata@basketbolli.com

Lagjia "Arbëria"
Blloku C3, Nr.83
Str: Radovan Zogovic
10 000 Prishtina

NENI 54 - SHQIPTIMI I DËNIMEVE DHE MASAVE TJERA NDËSHKIMORE.....	57
NENI 55 - HUMBJA E NDESHJES ME REZULTAT ZYRTAR (FORFEIT) DHE HUMBJA E NDESHJES PËR SHKAK TË PAMUNDËSIVE PËR TË VAZHDUAR (DEFAULT).....	58
NENI 56 - NDALESA PËR ZHVILLIMIN E NDESHJES NË FUSHËN E EKIPIT TË DËNUAR	59
NENI 57 - NDALESA E PREZENCËS SË SHIKUESVE	60
NENI 58 - EVIDENCA E DËNIMEVE TË SHQIPTUARA	60
NENI 59 - DISPOZITAT PËRFUNDIMTARE.....	60



Në bazë të nenit 24, alinea 1.14 të Statutit të Federatës së Basketbollit të Kosovës, Bordi i FBK-së, në mbledhjen e mbajtur më 30.07.2026, miratoi:

PROPOZICIONET E GARAVE PËR KATEGORITË SENIORE **edicioni 2026/27**

GARAT E BASKETBOLLIT TË FBK-SË

NENI 1 - DISPOZITAT THEMELORE DHE AKTET NORMATIVE

1.1. Këto Rregulla dhe Propozicione të Garave (në tekstin në vijim Propozicionet apo PG) rregullojnë në mënyrë unike marrëdhëniet ndërmjet të gjithë pjesëmarrësve në sistemin e garave nën organizim të Federatës së Basketbollit të Kosovës (FBK).

1.2. Të gjitha garat zhvillohen nën autorizimin e Bordit të FBK-së dhe në pajtim me Rregullat e Lojës së Basketbollit dhe interpretimet e rregullave të basketbollit të miratuar nga FIBA.

1.3. Të gjitha klubet pjesëmarrëse në sistemin e garave janë të obliguara t'i lexojnë këto Propozicione dhe të bashkëpunojnë me të gjitha organet e FBK-së gjatë zhvillimit të veprimtarisë së tyre. Asnjë klub pjesëmarrës në garat e organizuara nga ana e FBK-së nuk ka të drejtë nën asnjë rrethanë:

1.3.1. Që të refuzojë ndeshjen apo të lëshojë fushën e lojës para përfundimit zyrtar të ndeshjes;

1.3.2. Që të refuzojë pjesëmarrjen, apo të lëshojë - braktisë, ceremoninë e hapjes, mbylljes apo ceremoninë e shpalljes së fituesit dhe ndarjes së medaljeve dhe dhuratave në ndeshjet finale.

1.3.3. Që të silltë në mënyrë jo korrekte dhe ofenduese, me çka do të ndikojë në zhvillimin normal të garave, funksionet zyrtare të garave apo ceremonive.

1.4. Të gjitha klubet pjesëmarrëse do t'u përmbahen këtyre Propozicioneve, akteve tjera normative të FBK dhe akteve normative të FIBA përgjatë tërë veprimtarisë së tyre. Të gjitha klubet pjesëmarrëse do të sigurojnë pajtueshmëri me legjislacionin zbatueshëm në Republikën e Kosovës, me vëmendje të veçantë në legjislacionin që rregullon sportin, organizimin e ngjarjeve sportive dhe shmangien e dhunës dhe dukurive negative në sport.

1.5. Të gjitha klubet pjesëmarrëse do të sigurohen që këto Propozicione dhe aktet tjera normative të zbatueshme sipas paragrafit 1.4 më sipër t'u vihen në dispozicion të gjithë pjesëtarëve të tyre, përfshirë lojtarët, shtabin teknik, stafin administrativ dhe ndihmës, kryesitë dhe zyrtarët ekzekutivë të tyre. Klubet pjesëmarrëse do të konsiderohen përgjegjëse për veprimin apo mosveprimin e cilitdo anëtar të vet që bie ndesh me këto Propozicione dhe aktet normative të zbatueshme sipas paragrafit 1.4 më sipër.

1.6. Të gjithë sportistët që përgatiten ose marrin pjesë në një garë ose aktivitet të autorizuar ose organizuar nga FBK ose një nga organizatat anëtare të saj, dhe i gjithë Personeli Mbështetës i Sportistëve, duhet të pranojnë detyrimet që rrjedhin nga Rregullorja



për Anti-Doping në Basketboll, dhe t'i nënshtrohen kompetencës së Menaxhimit të Rezultateve dhe KosADA-s dhe organeve tjerë përgjegjëse si kusht për pjesëmarrjen e tillë.

1.7. Këto Propozicione do të caktojnë kushtet themelore për zhvillimin e garave seniore dhe lartësinë e dënimeve, ndalesave, gjobave dhe masave tjera të cilat organet e FBK mund t'i shqiptojnë në rast të shkeljes së tyre nga klubet pjesëmarrëse dhe anëtarët apo tifozët e tyre, nga personat zyrtarë të deleguar në ndeshje, apo nga palë të treta.

1.8. Interpretimin e këtyre Propozicioneve e jep Bordi i FBK-së, i cili mund ta ushtrojë këtë kompetencë drejtpërdrejt ose ta delegojë për zbatim te Komisioni i Garave.

NENI 2 - GARAT E BASKETBOLLIT DHE RREGULLAT ELEMENTARE TË LOJËS SË BASKETBOLLIT

2.1. Garat e basketbollit organizohen për:

2.1.1. Sportistët/et, të cilët aktivitetin e tyre si basketbollistë/e e realizojnë në mënyrë amatore;

2.1.2. Sportistët/et, të cilët aktivitetin e tyre si basketbollist/e e realizojnë në mënyrë profesionale.

2.2. Asnjë ekip i cili merr pjesë në gara nën organizimin e FBK-së nuk mundet të jetë aksionar në klubin tjetër. Asnjë person fizik dhe anëtarët e familjes së tij të ngushtë që përfshijnë bashkëshortin, bashkëshortin jashtëmartesorë, prindërit dhe fëmijët, ose person juridik nuk ka të drejtë që në të njëjtën kohë, të jenë pjesë e organeve qeverisëse e as të jenë aksionarë në vlerë prej më shumë se një (1) % të të gjithë kapitalit në dy ose më shumë klube.

2.3. Rregullat kryesore të lojës së basketbollit, në përputhshmëri të plotë me Rregullat Zyrtare të Basketbollit të FIBA-së, ndër të tjera, janë:

2.3.1. Loja e basketbollit zhvillohet në mes dy ekipeve me nga 5 lojtarë. Qëllimi i ekipeve është të shënojnë pikë në koshin e kundërshtarit dhe të pengojë skuadrën tjetër të shënojë.

2.3.2. Ndeshja zhvillohet nën kontrollin e 2-3 gjyqtarëve, gjyqtarëve ndihmës, si dhe vëzhguesit të ndeshjes.

2.3.3. Koshi kundërshtar është koshi ku ekipi sulmon, kurse koshi i ekipit është ai që duhet të mbrohet.

2.3.4. Fitues i ndeshjes është skuadra e cila ka shënuar më shumë pikë nga loja në fund të kohës së lojës.

2.3.5. Fusha e lojës duhet të jetë e drejtë dhe pa pengesa, dhe me dimension 28 m gjatësi dhe 15 m gjerësi, e matur nga vijat e brendshme të vijave kufizuese.

2.3.6. Vijat kufizuese duhet të jenë me ngjyrë të bardhë ose ngjyrë dalluese me madhësi 5 cm.



2.3.7. Shënimet jashtë vijës kufizuese 6,75 cm vlejnë 3 pikë, kurse shënimet brenda vijave kufizuese 2 pikë. Gjuajtja e lirë vlen 1 pikë.

2.3.8. Ekipi përbëhet nga:

- Më së shumti 12 lojtarë, përfshirë këtu edhe kapitenin e ekipit, të cilët mund të paraqiten deri në momentin kur shkaktojnë 5 gabime personale;
- Një trajner kryesor; dhe
- Një maksimum prej 8 anëtarësh të delegacionit shoqërues, duke përfshirë asistent-trajnerët që mund të ulen në stolin e ekipit. Në rast se një ekip ka ndihmës trajnerë, ndihmësi i parë i trajnerit do të shënohet në fletën e rezultateve.

2.3.9. Ekipet në ndeshje duhet të paraqiten me uniformë complete të ndeshjeve zyrtare.

2.3.10. Ndeshja udhëhiqet nga trajneri dhe ndihmës trajneri, ku 10 minuta para fillimit të ndeshjes paraqesin 5 startues të ekipit.

2.3.11. Ndeshja përbëhet nga 4 çerek me nga 10 minuta, kurse në rast kur rezultati është i barabartë në fund të ndeshjes, zhvillohet koha shtesë prej 5 minuta, derisa njëra ekip fiton ndeshjen.

2.3.12. Ndeshja e basketbollit gjithmonë fillon me "jump ball", kurse në çdo çerek tjetër sipas shigjetës së alternuar.

2.3.13. Në ndeshjet e basketbollit ekipet kane në total 5 minuta pushim të cilat mund t'i shfrytëzojnë gjatë gjithë kohës.

2.3.14. Lojtarët gjatë zhvillimit të ndeshjes mund të zëvendësohen gjatë gjithë kohës kur gjyqtari ka përdorur pipin dhe koha është ndalur.

2.3.15. Në ndeshjen e basketbollit mund të shkaktohen shkelje të ndryshme si gabim në hapa, shkelje gjatë driblimit, shkelje të 24, 8 dhe 5 sekondave dhe kthimi i topit në anën e pasme.

2.3.16. Në ndeshjet e basketbollit lojtarët mund të ndëshkohen me gabime personale, gabime josportive, gabime teknike, si dhe gabime diskualifikuese.

2.3.17. Gjyqtarët e ndeshjes janë gjyqtari kryesor, gjyqtari 1 -2 të cilët kanë të drejtë të gjykojnë dhe marrin vendime ndaj lojtarëve të cilët shkaktojnë shkelje dhe gabime duke përdorur pipin e tyre, komunikimin verbal si dhe me shenjat e duarve demonstrojnë numrat si dhe sinjalet e shkeljeve-gabimeve.



NENI 3 - KOMISIONI I GARAVE, KOMESARI I GARAVE DHE KOMISIONI PËR NOMINIMIN E PERSONAVE ZYRTARË TË NDESHJEVE

3.1. Komisioni i Garave:

3.1.1. Organi themelor, i cili udhëheq me garat e basketbollit në emër të FBK-së është Komisioni i Garave i FBK-së. Komisioni i Garave themelohet nga Bordi i FBK-së dhe përbëhet nga tre anëtarë (Kryesuesi dhe dy anëtarë të tjerë), të cilët emërohen para fillimit të çdo edicioni.

3.1.2. Në udhëheqje të garave, Komisioni i Garave do t'i zbatojë këto Propozicione, Rregulloren Disiplinore, aktet tjera normative të FBK-së si dhe aktet e FIBA.

3.1.3. Detyrat themelore të Komisionit të Garave janë, mes tjerash:

3.1.3.1. Të udhëheqë, rishikoj dhe mbikëqyrë të gjitha garat zyrtare të FBK-së;

3.1.3.2. Të përgatitë rekomandime për ndryshime në aspektin e zhvillimit të garave zyrtare;

3.1.3.3. Të përgatitë rekomandime për prezantim të garave të reja zyrtare;

3.1.3.4. Të japë këshilla për caktimin e garave zyrtare;

3.1.3.5. Të studiojë Rregulloret që i rregullojnë të gjitha garat zyrtare të FBK-së, si dhe të rekomandojë ndryshime për këto Rregullore;

3.1.3.6. Të sigurojë që interesat specifike dhe zhvillimi i basketbollit të femrave dhe të gjeneratave të reja të merret gjithnjë parasysh kur jepen rekomandime;

3.1.3.7. Të japë rekomandime në lidhje me transferimet e lojtarëve/eve nga garat e grupmoshave të reja tek seniorët.

3.2. Komesari i Garave në FBK:

3.2.1. Komesari i Garave në FBK, në cilësinë e instruktorit nacional, është përgjegjës për vlerësimin (evaluimin) e personave zyrtarë çdo ndeshje dhe në përmbyllje të edicionit. Në rast të kontestimit të vlerësimit të kryer nga Komesari i Garave, ankesa do të trajtohet nga Komisioni i Garave në shkallë të dytë dhe vendimi i nxjerrë sipas ankesës do të konsiderohet përfundimtar. Komisioni i Garave për këtë qëllim duhet të angazhojë edhe ekspertizë të jashtme.

3.2.2. Komesari i Garave pas përfundimit të të gjitha ndeshjeve të organizuara sipas këtyre Propozicioneve do t'i grumbullojë të gjitha raportet nga vëzhguesit dhe më pas të njëjtat do t'i përcjell tek Komisioni i Garave në email adresën garat@basketbolli.com jo më vonë se 24h pas përfundimit të tyre.

3.2.3. Komisioni i Garave mund të kërkojë raporte shtesë nga Komesari i Garave, nga zyrtarët e ndeshjeve apo nga cilido akter tjetër, në të gjitha rastet kur kjo është e nevojshme për përmbylljen e mandatit të vet.

3.3. Komisioni për Nominimin e Personave Zyrtarë të Ndeshjeve:

3.3.1. Komisioni për Nominimin e Personave Zyrtarë të Ndeshjeve është organi i cili bën nominimin e personave zyrtarë për të gjitha ndeshjet e kategorive seniorë. Ky



Komision themelohet nga Bordi i FBK-së dhe përbëhet nga tre anëtarë (Kryesuesi dhe dy anëtarë të tjerë), të cilët emërohen para fillimit të çdo edicioni.

3.3.2. Komisioni për Nominimin e Personave Zyrtarë të Ndeshjeve përgatit Listën e Gjyqtarëve dhe Vëzhguesve para fillimit të çdo edicioni dhe e dërgon tek Bordi i FBK-së për miratim.

NENI 4 - SHTOJCAT E PROPOZICIONEVE TË GARAVE

4.1. Këto Propozicione plotësohen për çdo edicion garues me dokumentet në paragrafin vijues, të cilat konsiderohen pjesë përbërëse e Propozicioneve. Përgjegjës për miratimin e dokumenteve të përcaktuara në paragrafin 4.2 më poshtë është Bordi Ekzekutiv i FBK-së.

4.2. Për çdo edicion garues specifikohen:

4.2.1. Kalendar i Garave për të gjitha ligat, i cili përcakton klubet pjesëmarrëse dhe orarin e ndeshjeve pas hedhjes së shortit;

4.2.2. Sistemi i Garave për të gjitha Ligat;

4.2.3. Lista e Gjyqtarëve për aprovim;

4.2.4. Lista e Vëzhguesve për aprovim; dhe

4.2.5. Lartësia e taksës, mëditjes dhe rrugës për kryerjen e funksionit të gjyqtarëve, vëzhguesve dhe gjyqtarëve ndihmës.

4.3. Bordi i FBK-së ruan të drejtën e miratimit të shtojcave tjera të nevojshme për precizim të mëtejshëm të këtyre Propozicioneve.

NENI 5 - RREGULLAT ZYRTARE TË BASKETBOLLIT

Garat në FBK do të nënshtrohen Rregullave Zyrtare të Basketbollit të cilat janë të zbatueshme në momentin e zhvillimit të garave sipas këtyre Propozicioneve e të cilat i miraton dhe publikon Federata Ndërkombëtare e Basketbollit. Në rast të çfarëdo mospërputhjeje mes këtyre Propozicioneve dhe Rregullave Zyrtare të Basketbollit, këto të fundit do të jenë mbizotëruese dhe këto Propozicione do të ndryshohen përkitazi.

NENI 6 - SISTEMI I GARAVE

6.1. Sistemin e Garave dhe mënyrën e plotësimit të ligave e miraton Bordi Ekzekutiv i FBK-së me vendim, në propozim të Komisionit të Garave.

6.2. Bordi Ekzekutiv i FBK-së është përgjegjës për të plotësuar vendet e mbetura vakante në ligat e organizuara sipas këtyre Propozicioneve, Kriteve për Licencim dhe akteve tjera normative. Vendimi për plotësimin e vendeve vakante në liga apo për shtimin e numrit të ekipeve garuese në cilindo nivel garimi do të merr parasysh interesin nacional për basketbollin, nivelin organizativ të klubeve pjesëmarrëse dhe kapacitetet e tyre.

NENI 7 - KALENDARI I GARAVE

7.1. Kalendarin e Garave, ndryshimet dhe plotësimet në të gjitha nivelet i përcakton Bordi i FBK-së me propozim të Komisarit të Garave.



7.2. Kalendarit i Garave nuk mund të ndryshohet pas miratimit, përveç nëse është në interes të përzgjedhjeve nacionale apo në rast të pjesëmarrjes së ekipeve në gara ndërkombëtare. Kërkesa për ndryshimin e Kalendarit të Garave duhet t'i dorëzohet Komisionit të Garave, i cili pas miratimit të vet i propozon Bordit Ekzekutiv të FBK-së ndryshimin sipas vlerësimit të tij.

NENI 8 - NUMRI I KLUBEVE PJESËMARRËSE NË GARAT VENDORE DHE NDËRKOMBËTARE

8.1. Të drejtë garimi në garat e organizuara sipas këtyre Propozicioneve kanë vetëm klubet të cilat i kanë përmbushur kriteret për licencim në nivelin përkatës të garimit, i ka kryer të gjitha obligimet financiare ndaj FBK dhe nuk kanë ndalesa tjera zyrtare e ligjore për zhvillimin e veprimtarisë sportive.

8.2. Obligimet ndaj FBK-së për edicionin paraprak duhet të paguhen konform kriterëve për licencim për edicionin e ri të garave, me vendim të Bordit të FBK-së. Vonesa në shlyerje të obligimeve ose mos-përmbushja e marrëveshjes, rezulton me suspendim nga garat dhe aktivitetet e FBK-së.

8.3. E drejta e garimit të cilitdo anëtar të FBK-së në garat e organizuara nga FBK do t'i mohohet nëse klubi ka çfarëdo borxhi të dokumentuar ndaj FIBA-s, FIBA Evropës, apo ndonjë etniteti tjetër përgjegjës për organizimin e garave ndërkombëtare të basketbollit të njohur nga FIBA.

8.4. Asnjë anëtar i FBK-së nuk do të mund të marrë pjesë në garat e organizuara nga FBK, në rast se FBK është ngarkuar me çfarëdo dënimi, gjobe, pagese, fature apo ngarkesë tjetër si rrjedhojë e veprimit apo mosveprimit të klubit në fjalë kundrejt obligimeve të veta ndaj FIBA, FIBA Evropës, apo cilitdo entiteti tjetër përgjegjës për organizimin e garave ndërkombëtare të njohura nga FIBA. E drejta për të marrë pjesë në gara mund të rifitohet pas kompensimit nga klubi i të gjitha pagesave dhe shpenzimeve të tjera administrative, të cilat i janë ngarkuar FBK-së si rrjedhojë e veprimit apo mosveprimit të klubit sipas këtij paragrafi.

8.5. Klubet në garat shtetërore (Superliga, Superliga Femrat, Liga Zhvillimore për Vajzat U21, Liga e Parë Meshkujt dhe Liga e Dytë Meshkujt) janë të obliguara që t'i pranojnë dhe t'i zbatojnë Rregullat dhe Propozicionet e Garave, sistemin e garave si dhe aktet tjera normative të FBK-së.

8.6. Në garat shtetërore klubet paraqiten nën emrin zyrtar, gjegjësisht nën emrin e tyre të regjistruar. Pranë emrit zyrtar, klubet mund të përdorin edhe emrin e sponsorit dhe atë në gara, medime, në punët komerciale dhe rastet tjera për të cilën do të lajmërojnë me shkrim Komisionin e Garave para fillimit të edicionit.

8.7. Në rast se Klubi i cili është shpallur kampion apo fitues i Kupës së Kosovës nuk dëshiron të merr pjesë në garat evropiane përkatëse, me vendim të posaçëm të Bordit të FBK-së përcaktohen ekipet, të cilat do të marrin pjesë në gara ndërkombëtare pas përmbushjes së kriterëve të përcaktuara nga ana e Bordit.



8.8. Në zbatim të paragrafit paraprak, me kusht të plotësimit të kushteve dhe kriterëve tjera, do të garantohen përfaqësimet në vijim:

8.8.1. Fituesit e titullit të kampionit në nivel të Superligave do të fitojnë të drejtën e garimit në nivelin më të lartë të garimit evropian që i ofrohet FBK-së;

8.8.2. Fituesit e titullit të Kupës së Kosovës në nivel të seniorëve do të fitojnë të drejtën e garimit në nivelin e dytë të garimit evropian që i ofrohet FBK-së. Në rast se ekipi i shpallur kampion në nivel të Supreligave është fitues edhe i Kupës së Kosovës, atëherë finalisti i Kupës së Kosovës do paraqitet për garim në nivelin e dytë të garimit evropian;

8.8.3. Katër ekipet e propozuara nga Bordi i FBK-së në stinorin paraprak në Superligën e Kosovës dhe tri ekipet e ranguar të parat në stinorin paraprak në Superligën Femrat do të fitojnë të drejtën e garimit në Ligën Unike.

8.9. Në rast të shfaqjes së mundësisë së përfaqësimit shtesë të klubeve kosovare në liga evropiane apo rajonale, Bordi i FBK-së do të vendosë me vendim të posaçëm për këtë, duke u bazuar në parimet e meritës dhe rezultateve sportive të arritura.

8.10. Në raste të shfaqjes së fuqisë madhore, përfshirë mes tjerash fatkeqësitë natyrore, epidemitë dhe pandemitë, gjendjen e jashtëzakonshme të shprehur apo të nënkuptuar, si dhe çfarëdo situatë të ngjashme që rezulton me nevojën për të ndërprerë garat, Bordi i FBK-së mund të bëjë ndryshimin emergjent të këtyre Propozicioneve të Garave dhe sistemit të garave, duke interpretuar situatën e krijuar dhe vendosur në baza meritore për pezullimin, ndërprerjen e plotë, ndërprerjen e përsëritshme, ri-programimin e garave, anulimin e tërësishëm të edicionit, apo ri-përcaktimin e kalendarit të garave apo terminëve të zhvillimit të ndeshjeve, përfshirë edhe marrjen e vendimit për shpalljen e renditjes tabelare përfundimtare për secilin nivel të garave dhe ngritjen apo rënien nga niveli i garave.

NENI 9 - TËRHEQJA E SHORTIT TË NUMRIT GARUES

9.1. Para fillimit të edicionit të garave, bëhet tërheqja e numrit të ekipit për garat e ligës.

9.2. Tërheqja e shortit bëhet në praninë e përfaqësuesve të ekipeve, që do të ftohen të marrin pjesë në ligën për të cilën tërhiqet shorti.

NENI 10 - PALESTRAT PËR ZHVILLIMIN E NDESHJEVE

10.1. Çdo klub është i obliguar që më së largu 14 ditë para fillimit të garave të paraqes palestrën në të cilën do të zhvillojë ndeshjet si vendës dhe palestrën alternative, si dhe të bëhet inspektimi teknik i palestrës dhe pajisjeve përcjellëse. Pranimin e palestrës e bënë Komesari i Garave.

10.2. Në palestrat ku zhvillohen ndeshjet e kategorive senior/e në tabelat e konstruksionit të koshave duhet të vendosen LED DRITAT të aprovuara nga FIBA për përfundimin e kohës së sulmit (E VERDHË) dhe kohës së ndeshjes (E KUQE), që në rastet diskutabile gjyqtarët mund të vendosin për ndërhyrjen e fundit. Kur tabelat janë të pajisura me LED ndriçim të verdhë (skadim i 24 sekondave) dhe LED ndriçimin e kuq (skadim i kohës së



çerekut apo të kohës shtesë) ky ndriçim ka përparësi në raport nga sinjali i zërit të kohës së lojës.

NENI 11 - KALENDARI DHE SISTEMI GARUES

Ndeshjet zhvillohen sipas kalendarit të garave të përcaktuara më parë për çdo ligë veç e veç dhe atë nën kushtet e përcaktuara në vijim:

11.1. SUPERLIGA MESHKUJT

11.1.1. Për edicionin garues 2026/2027, Superliga Meshkujt do të përbëhet nga ekipet të cilat e kanë fituar të drejtën e garimit në nivelin më të lartë garues.

11.1.2. Superkupa e Kosovës zhvillohet në formë të një (1) ndeshjeje të vetme ndërmjet Kampionit të Kosovës dhe Fituesit të Kupës së Kosovës. Në rast se i njëjti klub fiton titullin e Kampionit të Kosovës dhe Kupën e Kosovës, pjesëmarrës në Superkupë do të jetë finalisti i Kupës së Kosovës.

11.1.3. Superliga Meshkujt do të zhvillohet me sistem të dyfishtë të garave (vajtje-ardhje) në pjesën vjeshtore dhe sistem të dyfishtë (vajtje-ardhje) në pjesën pranverore. Pas përfundimit të edicionit të rregullt (28 xhiro) gjashtë ekipet e para plasohen në play-off. Në çerekfinale do të ndeshen 3-6 dhe 4-5 deri në dy fitore (maksimumi 3 ndeshje), kurse ekipet e renditura në pozitat 1 dhe 2 në raundin e parë do të pauzojnë dhe në gjysmëfinale do të takohen me ekipet nga renditja 3/4/5/6. Ndeshjet e play off-it do të zhvillohen e mërkurë/enjte dhe shtunë/diel në vazhdimësi pa ndërprerje nëse nuk vjen deri te zhvillimi i ndeshjes së fundit konform PG.

11.1.4. Gjysmëfinalet e play-offit zhvillohen sipas formulës 1 vs 4-5, 2 vs 3-6. Plasmanin në finale e siguron ekipi që i pari arrin tri (3) fitore. Gjysmëfinalet zhvillohen sipas formatit vajtje - ardhje dhe epërsinë e terrenit vendës e ka ekipi më lartë i plasuar në edicionin e rregullt.

11.1.5. Në finale të play-offit takohen ekipet fituese të gjysmëfinaleve. Kampion i Superligës shpallet ekipi që i pari arrin katër (4) fitore. Finalja e play-off-it zhvillohet me sistemin "best of seven (7)", sipas formatit të ndeshjeve 1-1-2-2-1. Përparësinë e terrenit vendas e ka ekipi që ka qenë më mirë i ranguar në edicionin e rregullt dhe luan si vendas në ndeshjet 1, 3, 4 dhe 7 eventuale. Ndeshjet e play off-it do të zhvillohen të mërkurë/enjten dhe shtunë/diel në vazhdimësi pa ndërprerje nëse nuk vjen deri te zhvillimi i ndeshjes së fundit konform PG.

11.1.6. Skuadra e renditur në vendin e tetë (8) në fund të edicionit të rregullt të garave (28 xhirove) zbret në Ligën e Parë.

11.1.7. Në edicionin 2026/27 tek Superliga Meshkujt do të aplikohet Coach's challenge/Sfida e Trajnerit derisa kjo të humbet nga trajneri, ndërkaq në dy minutat e fundit të ndeshjes trajnerët kanë edhe një bonus challenge.

11.1.8. Në të gjitha palestrat, në të cilat zhvillohen ndeshjet e Superligës duhet të jetë e instaluar internet lidhja me shpejtësi prej së paku 30/10.



11.2. SUPERLIGA FEMRAT

11.2.1. Për edicionin 2026/2027, Superliga Femrat do të përbëhet nga ekipet të cilat e kanë fituar të drejtën e garimit në nivelin më të lartë garues.

11.2.2. Superkupa e Kosovës zhvillohet në formë të një (1) ndeshjeje të vetme ndërmjet Kampionit të Kosovës dhe Fituesit të Kupës së Kosovës. Në rast se i njëjti klub fiton titullin e Kampionit të Kosovës dhe Kupën e Kosovës, pjesëmarrës në Superkupë do të jetë finalisti i Kupës së Kosovës.

11.2.3. Superliga Femrat do të zhvillohet me sistem të katërfishtë të garave (vajtje-ardhje). Pas përfundimit të edicionit të rregullt, katër ekipet e para plasohen në play-off, ndërsa ekipi i cili është i fundit do të largohet nga Superliga.

11.2.4. Ndeshjet gjysmëfinale do të zhvillohen 1-4 dhe 2-3 deri në 3 fitore (maksimumi 5 ndeshje), sipas formatit vajtje - ardhje dhe epërsinë e terrenit vendës e ka ekipi më lartë i plasuar në edicionin e rregullt.

11.2.5. Finalja e play-off-it zhvillohet me sistemin "best of seven (7)", sipas formatit të ndeshjeve 1-1-2-2-1. Përparësinë e terrenit vendas e ka ekipi që ka qenë më mirë i ranguar në edicionin e rregullt dhe luan si vendas në ndeshjet 1, 3, 4 dhe 7 eventuale.

11.2.6. Në rast të transmetimit të drejtpërdrejtë në Art Motion/Kujtesa, në edicionin 2026/27 tek Superliga Femrat do të aplikohet Coach's challenge/Sfida e Trajnerit derisa kjo të humbet nga trajneri, ndërkafq në dy minutat e fundit të ndeshjes trajnerët kanë edhe një bonus challenge.

11.2.7. Ndeshjet e kampionatit do të zhvillohen në ditët e shtunë dhe të diel, me transmetim të gjitha ndeshjeve në platformën YouTube të FBK-së. Ndërkafq, finalja e Kupës së Kosovës, Superkupës dhe finalët e Play-offit, do të transmetohen drejtpërdrejtë në Art Motion/Kujtesa.

11.3. LIGA ZHVILLIMORE U21 PËR VAJZAT

11.3.1. Për edicionin 2026/2027, ekipet e Ligës Zhvillimore U21 për Vajzat do të bëjnë gara me sistem të trefishtë, kurse pas përfundimit të edicionit të rregullt, katër ekipet më së miri të ranguar në tabelë, do të plasohen në play-off.

11.3.2. Në gjysmëfinale do të takohen ekipet 1-4 dhe 2-3 deri në dy fitore (maksimum tri ndeshje). Kampion i Ligës U21 Vajzat do të shpallet ekipi që arrin i pari 2 fitore (maksimumi tri ndeshje) dhe në edicionin e ardhshëm do të fitojë të drejtën të garojë në Superligën Femrat. Përparësinë e terrenit vendës e ka ekipi që ka qenë më mirë i ranguar në edicionin e rregullt.

11.4. LIGA E PARË MESHKUJT

11.4.1. Për edicionin garues 2026/2027, Liga e Parë Meshkujt do të zhvillohet me sistem të dyfishtë të garave (vajtje-ardhje). Pas përfundimit të 22 xhirove, do të ndahet në: Ligën për Kampion dhe Ligën për Mbijetesë. Në Ligën për Kampion do të marrin pjesë ekipet e renditura nga 1 deri në 4. Në Ligën për Mbijetesë do të marrin pjesë ekipet e renditura nga 5 deri në 11. Në total, do të zhvillohen 2 raunde, gjegjësisht 6 xhiro në Ligën për Kampion dhe deri në 14 xhiro në Ligën për Mbijetesë.

11.4.2. Ekipet e renditura 1 dhe 2 në Ligën për Kampion do kualifikohen direkt për gjysmë-finale, kurse ekipet 3 dhe 4 dhe ekipet 1 dhe 2 nga Liga për Mbijetesë, do të ndeshen në çerekfinale, deri në dy fitore nga 3 ndeshje të mundshme. Përparësinë e terrenit vendas do ta kenë ekipet e renditura 3 dhe 4 nga Liga për Kampion.

11.4.3. Në gjysmë-finale, do të ndeshen ekipi 1 me 4 (nga Liga për Kampion) ose 1 (nga Liga për Mbijetesë); dhe ekipi 2 me 3 (nga Liga për Kampion) ose 2 (nga Liga për Mbijetesë). Gjysmëfinalët zhvillohen sipas formatit vajtje - ardhje dhe epërsinë e terrenit vendës e ka ekipi 1 dhe 2 nga Liga për Kampion. Plasmanin në finale e siguron ekipi që i pari arrin 2 fitore.

11.4.4. Finalja e play-off-it zhvillohet me sistemin "best of three (3)", sipas formatit të ndeshjeve vajtje-ardhje. Përparësinë e terrenit vendas e ka ekipi që ka qenë më mirë i ranguar në edicionin e rregullt dhe luan si vendas në ndeshjet 1 dhe 3 eventuale.

11.4.5. Çdo ekip duhet t'i ketë 7 lojtarë të lindur më 2005 ose më të rinj në Listën Paraqitëse nëse ka të paraqitur 12 lojtarë, 7 lojtarë nëse ka të paraqitur 11 lojtarë dhe 7 lojtarë nëse ka të paraqitur 10 lojtarë. Ekipet e Ligës së Parë janë të OBLIGUARA që në total të kenë 80 minuta në lojë lojtarët (2 lojtarë e më shumë) e lindur më të ri se viti 2005.

11.4.6. Ekipet e Ligës së Parë Meshkujt kanë të drejtë licencimi të dyfishtë të lojtarëve të lindur nga viti 2006 ose më të rinj (të Superligës) për tu paraqitur në Ligën e Parë.

11.4.7. Një ekip mund të ketë më së shumti katër (4) lojtarë me licencë të dyfishtë gjatë një edicioni garues. Lojtarët me licencë të dyfishtë mbeten lojtarë të ekipeve të Superligës.

11.4.8. Në rast të transmetimit të drejtpërdrejtë në Art Motion/Kujtesa, në edicionin 2026/27 tek Liga e Parë Meshkujt do të aplikohet Coach's challenge/Sfida e Trajnerit derisa të humbet kjo nga trajneri, ndërkohë në dy minutat e fundit të ndeshjes trajnerët kanë edhe një bonus challenge.

11.4.9. Skuadra e renditur e fundit në Ligën për Mbijetesë zbret në Ligën e Dytë.

11.5. LIGA E DYTË MESHKUJT

11.5.1. Për edicionin 2026/2027, ekipet e Ligës së Dytë Meshkujt do të bëjnë gara me sistem të dyfishtë (vajtje-ardhje) gjithsej 14 xhiro, kurse pas përfundimit të edicionit të



rregullt, katër ekipet më së miri të ranguar në tabelë do të plasohen në play-off. Në gjysmëfinale do të takohen ekipet 1-4 dhe 2-3 deri në dy fitore (maksimum tri ndeshje).

11.5.2. Kampion i Ligës së Dytë do të shpallet ekipi i cili arrin i pari 2 fitore (maksimumi tri ndeshje) dhe në edicionin e ardhshëm do të garojë në Ligën e Parë Meshkujt.

TË PËRGJITHSHME

11.6. Skuadra vendëse është e obliguar të bëjë paraqitjen e vendit, ditës dhe orës së zhvillimit të ndeshjes më së paku 72 orë para zhvillimit të saj. Paraqitja me shkrim i bëhet Komesarit të Garave në adresën elektronike komesari@basketbolli.com.

11.7. Për klubet pjesëmarrëse në Superligën e Kosovës në basketboll, platformat KUJTESA dhe ART Motion, si partnerë medial të FBK-së, në bashkërendim me FBK-në do të bëjnë formulimin e orarit të ndeshjeve të Superligës së Kosovës, duke iu përmbajtur parimeve të përcaktuara në këtë paragraf:

11.7.1. Terminet e fillimit të ndeshjeve për gara kampionale të Superligës Meshkujt mund të jenë në ora 17:00 dhe 19:00 të çdo dite të miratuar sipas kalendarit;

11.7.2. Terminet e fillimit të ndeshjeve të Ligës së Parë Meshkujt duhet të jenë mes orës 16:00 dhe 20:30 gjatë ditëve të miratuara sipas kalendarit dhe më herët me marrëveshje mes dy klubeve;

11.8. Ndeshjet mund të zhvillohen edhe në termine tjera, me lejin shprehimor paraprak me shkrim nga ana e Komisionit të Garave për arsyet në vijim:

11.8.1. Për transmetimin e ndeshjeve në TV;

11.8.2. Me marrëveshje të ekipeve në mungesë të terminit. Nëse kërkohet që kjo ndeshje të zhvillohet jashtë javës së rregullt sipas kalendarit të garave, e njëjta duhet të zhvillohet (me lejin me shkrim nga Komisioni i Garave) para fillimit të javës së ardhshme kalendarike për shkak të mbarëvajtjes së rregullt të garave.

11.9. Datat dhe terminet e ndeshjeve të play-off-it do të përcaktohen para fillimit të edicionit garues.

11.10. Në pjesën përfundimtare të edicionit garues, nëse është nevoja, Komisioni i Garave mund të caktojë që disa ndeshje apo të gjitha ndeshjet e xhiros së njëjtë të zhvillohen në ditën dhe orën e njëjtë. Ky Vendim do t'u komunikohet klubeve jo më vonë se 48 orë para terminit të fillimit të ndeshjes nëpërmjet adresës elektronike.

11.11. Sëmundja apo pamundësia e paraqitjes në ndeshje të lojtarëve dhe trajnerëve, zhvillimi i ndeshjeve miqësore apo turneve në vend dhe jashtë vendit, problemet me transport etj., nuk janë raste të arsyeshme për shtyrjen e ndeshjes. Shtyrja e ndeshjes mund të aprovohet me pëlqimin e të dy ekipeve dhe me lejin e Komisionit të Garave.

NENI 12 - SHTYRJA E NDESHJES

12.1. Komisioni i Garave mund të marrë vendim për shtyrjen e ndeshjes në kërkesë të ekipit që gjatë javës do të zhvillojë ndeshjen e ligës ndërkombëtare por e njëjta duhet të



zhvillohet më së largu gjatë javës së ardhshme kalendarike (14 ditë), përveçse si është e cekur në Nenin 7.2. Ndeshjet e shtyra edhe nëse vjen deri te ndryshimi në Rosterin e ekipeve do të zhvillohen me Rosterin aktual të cilin ekipet e kanë në momentin kur është dashur të zhvillohet sipas kalendarit ndeshja e mbetur.

12.2. Ndeshjet që zhvillohen si ndeshje të mbetura, të drejtë të paraqitjes kanë vetëm lojtarët që janë licencuar te klubi deri në ditën e ndeshjes sipas Kalendarit të Garave. Lojtarët që janë licencuar pas datës së paraparë të ndeshjes nuk kanë të drejtë loje në ndeshjen e mbetur, si dhe ata lojtarë që ndërkohë janë larguar nga klubi.

12.3. Nëse ndeshja nuk mund të zhvillohet në terminin e caktuar apo është ndërprerë për shkak të ndërprerjes së energjisë elektrike në pjesë ku gjendet palestra, ndërprerjes së komunikacionit, fatkeqësive nga moti i lig të vërtetuara organet zyrtare, situatat e përcaktuara me ligj për fatkeqësitë natyrore (zjarri, përmbytjet, rreziku, etj.), ndeshja duhet të zhvillohet brenda 24 orëve. Vendimin mbi shtyrjen e ndeshjes për 24 orë e merr vëzhguesi i ndeshjes apo në mungesë të tij Gjyqtari i Parë, duke u bazuar në këtë nen.

12.4. Ndeshja e ndërprerë për raste të arsyeshme (fatkeqësitë natyrore) do të vazhdohet nga koha dhe rezultati në momentin e ndërprerjes së ndeshjes, si dhe me të gjitha të dhënat nga protokoli i ndeshjes së ndërprerë.

12.5. Nëse të dy ekipet nuk paraqiten në fushë në kohën e caktuar për të zhvilluar ndeshjen, pa paralajmërimin e Komisionit të Garave për shkaqet e mos zhvillimit të ndeshjes, ndeshja nuk do të zhvillohet kurse të dy ekipet nuk do të marrin nga një pikë sipas rregullit me rastin e humbjes së ndeshjes.

12.6. Shtyrja e ndeshjeve si rrjedhojë e mosplotësimit të kushteve elementare nga ana e nikoqirit do të rregullohet me nen të veçantë brenda këtyre Propozicioneve dhe me aktet tjera normative të FBK-së.

12.7. Klubi, lojtari (lojtarët) apo trajneri i të cilit merr pjesë (marrin pjesë) në përbërje të cilësdo Përzgjedhje Nacionale, ka të drejtë të kërkojë të shtyjë ndeshjen kampionale apo të Kupës. Për shtyrjen eventuale të ndeshjes, vendos Komisioni i Garave, në bazë të këtyre Propozicioneve.

NENI 13 - REGJISTRIMI I LOJTARËVE-EVE, E DREJTA PËR TË LUAJTUR

13.1. Në ndeshje mund të paraqiten vetëm lojtarët e licencuar në FBK, me kusht që lojtari të ketë përmbushur të gjitha obligimet tjera dhe të mos jetë i suspenduar apo në vuajtje të dënimit.

13.2. Në ndeshje, një ekip mund të paraqes më së shumti 12 (dymbëdhjetë) lojtarë dhe jo më pak se 10 (dhjetë).

13.3. Kontrollimi mjekësor i lojtarëve është i obliguar të kryhet një herë para fillimit të edicionit garues. Lojtari që nuk e ka kaluar kontrollimin mjekësor nuk ka të drejtë të



paraqitet në ndeshje. Lojtari/ja që regjistrohet pas fillimit të kampionatit nuk do të ketë të drejtë loje pa paraqitur kontrollin mjekësor.

13.4. Klubet janë të obliguara që në ndeshje të paraqiten me përbërjen më të mirë. Për mosrespektimin e kësaj pike, trajneri dhe personi zyrtar (përfaqësuesi zyrtar apo kryetari) i klubit do të nënshtrohen përgjegjësisë disiplinore. Këtu përfshihet edhe obligimi i Klubit të mos lirojë lojtarin me kontratë valide deri në përfundimin e lojës së fundit të edicionit garues.

13.5. Në edicionin garues të Superligës Meshkujt 2026/2027, çdo ekip duhet të ketë në përbërje më së paku 1 lojtar vendorë (homegrown; nuk përfshin lojtarët e natyralizuar) të lindur në vitin 2006-2007 ose më të rinj. Obligimi sipas këtij paragrafi është i zbatueshëm për të gjitha ndeshjet e zhvilluara sipas këtyre Propozicioneve, si dhe për ndeshjet e Superkupës, Kupës dhe Play-offit. Në rast të mos-respektimit të këtij detyrimi edhe vetëm në një ndeshje, klubet duhet të paguajnë shumën prej 10,000.00 EUR në llogari të FBK-së për zhvillimin e gjeneratave të reja.

13.6. Regjistrimi i lojtarëve vendor dhe procedurat e transferimit të tyre precizohen në Rregulloren për Regjistrim dhe Kalim të FBK-së.

13.7. Ekipet e Superligës Meshkujt kanë të drejtë të mbajnë në regjistrin e lojtarëve (MAP) deri në pesë lojtarë të huaj, ndërsa në roster të ndeshjes duhet të paraqiten me më së paku:

13.7.1. Gjashtë lojtarë vendorë nëse ekipi ka 10 lojtarë në listën paraqitëse, prej tyre një të lindur nga 2006-2007 e më të rinj;

13.7.2. Shtatë lojtarë vendorë nëse ekipi ka 11 lojtarë në listën paraqitëse, prej tyre një të lindur nga 2006-2007 më të rinj;

13.7.3. Tetë lojtarë vendorë nëse ekipi ka 12 lojtarë në listën paraqitëse, prej tyre një të lindur nga 2006-2007 më të rinj.

13.8. Ekipet që paraqiten në garat ndërkombëtare të Basketball Champions League dhe FIBA Europe Cup kanë të drejtë të paraqesin (të regjistrojnë dhe paguajnë shumat përkatëse për LOC) edhe dy (2) lojtarë të huaj shtesë. Këta lojtarë nuk kanë të drejtë loje në garat shtetërore të Kosovës, përveç nëse klubi kërkon ndryshimin e statusit të tyre gjatë edicionit garues. Me ndryshimin e statusit, lojtari fiton të drejtën e paraqitjes në garat shtetërore, llogaritet në kuotën e lojtarëve të huaj të lejuar për ato gara dhe klubi obligohet të paguajë pjesën e mbetur të tarifës së Letter of Clearance (LOC), sipas tarifave në fuqi.

13.9. Të gjitha ekipet e garave seniore, para fillimit të ndeshjes, janë të obliguar që paralelisht të paraqesin MAP dhe rosterin e ndeshjes (lista e lojtarëve për ndeshje) 45 minuta para fillimit të ndeshjes tek vëzhguesi i ndeshjes. Mos-respektimi i kësaj alineje do të dënohet sipas dispozitave të këtyre Propozicioneve.

13.10. Në rast se ekipi i Superligës Meshkujt ka të regjistruar më shumë se katër lojtarë të huaj në regjistrin e lojtarëve (MAP), i njëjti obligohet që ta njoftojë Komesarin e Garave me shkrim mbi katër lojtarët të cilët do të paraqiten në ndeshjen e radhës jo më vonë se 12h para fillimit të ndeshjes. Në rast se ekipi dështon të paraqesë këtë njoftim me shkrim brenda



afatit të përcaktuar në këtë paragraf, do të dënohet sipas dispozitave të këtyre Propozicioneve.

13.11. Ekipet e Superligës Meshkujt kanë të drejtë të aktivizojnë deri në tre lojtarë të huaj në parket gjatë cilitdo interval të ndeshjes, ndërsa lojtari tjetër (lojtari i katërt) mund të jetë zëvendësues. Hyrja e rastësishme e lojtarit të katërt të huaj në ndeshje do të sanksionohet me gabim teknik (B) për trajnerin e skuadrës që ka kryer shkelje të këtij paragrafi.

13.12. Ekipet e Superligës Femrat kanë të drejtë të kenë në përbërje deri në katër lojtare të huaja dhe ti aktivizojnë deri në tri lojtare të huaja në parket gjatë cilitdo interval të ndeshjes, ndërsa lojtarja tjetër (lojtarja e katërt) mund të jetë zëvendësuese. Hyrja e rastësishme e lojtares së katërt të huaj në ndeshje do të sanksionohet me gabim teknik (B) për trajnerin e skuadrës që ka kryer shkelje të këtij paragrafi. Aktivizimi i lojtareve të tjera të huaja për qëllime të pjesëmarrjes në gara ndërkombëtare është i lejuar pa kufizime konform rregullave të FIBA Europe Cup Women. Në rastet kur klubi ka lojtare të natyralizuara, këto lojtare trajtohen si lojtare vendore vetëm për qëllime të rregullave të lojës në parket, ndërsa për qëllime të regjistrimit dhe kuotës së lojtarëve të huaj, llogariten si lojtare të huaja (maksimum 4 lojtare).

13.13. Ekipet e Ligës Zhvillimore për Vajzat U21 kanë të drejtë të kenë këtë përbërje: 3 lojtare mbi moshën 21 vjeçare, 2 lojtare me licencë të dyfishtë, ndërsa lojtaret e tjera duhet të jenë nën moshën 21 vjeçare.

13.14. Ekipet bartin përgjegjësi për paraqitjen e të gjitha dokumenteve të përcaktuara në këtë paragraf dhe me rregulloren përkatëse për Regjistrim dhe Kalim në FBK-së si parakusht për regjistrimin e lojtarëve të huaj. Mosparaqitja e dokumenteve të plota, të sakta dhe mos-përmbyllja e obligimeve të regjistrimit do të rezultojë me moslejimin e paraqitjes së lojtarëve të huaj në ndeshjet e organizuara sipas këtyre Propozicioneve.

13.15. Për regjistrimin e lojtarëve të huaj në garat e organizuara sipas këtyre Propozicioneve, ekipet kërkuese do të duhet të paguajnë shumat në vijim, në të cilat janë të përfshira edhe shpenzimet e pranimit të licencës përkatëse (LOC) nga FIBA:

13.15.1. Ekipet e Superligës Meshkujt do të paguajnë shumën prej 500.00€ për secilin prej shtatë lojtarëve të parë të huaj të regjistruar me kalim nga klubi në klub apo kërkesë për LOC; shumën prej 2,500.00€ për lojtarin e tetë dhe të nëntë të huaj të regjistruar; shumën prej 5,000.00€ për lojtarin e dhjetë dhe shumën prej 10,000.00€ për të gjithë lojtarët e huaj të regjistruar shtesë përtej kësaj shifre (11 e tutje).

13.15.2. Ekipet e Superligës Femrat do të paguajnë shumën prej 250.00€ për secilën prej katër lojtareve të para të huaja të regjistruara me kalim nga klubi në klub apo kërkesë për LOC; shumën prej 500.00€ për lojtaren e pestë dhe të gjashtë të regjistruar; shumën prej 2,500.00€ për lojtaren e shtatë dhe të tetë të regjistruar; shumën prej 5,000€ për lojtaren e nëntë dhe të dhjetë të regjistruar; dhe shumën prej 10,000.00€ për të gjitha lojtaret shtesë të regjistruara përtej kësaj shifre (11 e tutje).



13.16. Afati i fundit për regjistrimin e lojtarëve të huaj për ekipet e Superligës Meshkujt është 72 orë para fillimit të xhiros së XXII të Superligës (para fillimit të pjesës së katërt), ndërkaj për ekipet e Superligës Femrat është 72 orë para fillimit të fazës kur liga ndahet në dy.

13.17. Në Ligën e Parë Meshkujt dhe Ligën Zhvillimore U21 Vajzat, ekipet nuk kanë të drejtë të regjistrojnë lojtarë të huaj.

NENI 14 - LOJTARËT-ET, PAJISJA

14.1. Ekipi vendës (ekipi i parë i shënuar në protokoll të ndeshjes) është i obliguar që në ndeshje të paraqitet me uniforma me ngjyrë të ndritshme, kurse ekipi mysafir (ekipi i dytë i shënuar në protokoll të ndeshjes) është i obliguar të paraqitet me uniforma me ngjyrë të mbylltë, dhe e kundërta nëse ekipet paraprakisht kanë arritur marrëveshje me shkrim. Ekipi mysafir obligohet të respektojë ngjyrat e uniformës së ekipit vendas, nëse ato janë paraqitur zyrtarisht në FBK.

14.2. Gjatë prezantimit të ekipit të gjithë lojtarët duhet të jenë të veshur njëjtë.

14.3. Kapiteni i ekipit duhet të jetë dukshëm i shënuar në fanellë.

14.4. Fanellat e të gjithë lojtarëve duhet të jenë të futura brenda të poshtmeve gjatë tërë ndeshjes. Lojtarët mund të paraqiten me numër nga 0 deri në 99 dhe nga 1 deri në 99.

14.5. Veshja e maicave nën fanella të cilat duken nuk është e lejuar.

14.6. Nuk është i lejuar reklamimi i pijeve alkoolike (përveç verës dhe birrës), cigareve (duhanit) dhe substancave të cilat gjinden në listën e ndaluar të substancave nga agjencitë kombëtare dhe ndërkombëtare të anti-dopingut.

14.7. Reklama e vendosur në fanellë në asnjë moment nuk guxon të mbulojë numrin apo mbiemrin e lojtarit.

14.8. Ekipet janë të obliguara që në fanellat e lojtarëve të vendosin logon/emblemën e FBK-së, në formatin e dhënë paraprakisht nga kjo e fundit. Emblema duhet të vendoset në anën e majtë të epërme të fanellës dhe dimensionet e saj nuk guxojnë të jenë më të vogla se 8 cm x 5 cm.

14.9. Ekipet janë të obliguara që në pjesën e pasme (në mes) të fanellave të lojtarëve të vendosin flamurin e Republikës së Kosovës.

14.10. Ekipet garuese janë të obliguara të vendosin edhe logon e ligës në të cilën garojnë, e cila miratohet nga Bordi i FBK me vendim dhe u dorëzohet të gjitha ekipeve pjesëmarrëse para fillimit të stinorit. Kjo logo do të vendoset nën emblemën e FBK-së dhe do të jetë e dimensioneve 8cm x 5cm.

NENI 15 - TRAJNERËT

15.1. Detyrën e trajnerit apo ndihmës trajnerit mund ta ushtrojë vetëm personi i cili posedon licencën e trajnerit të lëshuar nga Shoqata e Trajnerëve e Kosovës (SHTBK). Nëse



ekipi nuk ka trajner apo ndihmës trajner i cili i plotëson kushtet e lartë-cekura, detyrën e trajnerit do ta ushtrojë kapiteni i ekipit. Në këtë rast një prej përfaqësuesve zyrtar të ekipit (përfaqësuesi zyrtar, udhëheqësi teknik, mjeku etj.) nuk mund ta ushtrojë detyrën e trajnerit (të qëndrojë në këmbë gjatë ndeshjes, të kërkojë time-out, zëvendësim etj.).

15.2. Vetëm trajnerit dhe ndihmës trajnerit (por në asnjë rrethanë të dyve në të njëjtën kohë) i lejohet të qëndrojë në këmbë dhe të komunikojë me lojtarë gjatë ndeshjes, me kusht që të qëndrojë në hapësirën e kufizuar rreth bankinës së ekipit. Ndihmës trajneri në asnjë situatë edhe pse qëndron në këmbë, nuk guxon t'i drejtohet personave zyrtarë të ndeshjes (vëzhguesit dhe gjyqtarëve).

15.3. Trajnerin, në rast të mungesës së ndihmës trajnerit, gjatë ndeshjes mund ta zëvendësojë kapiteni i ekipit, vetëm në rastet e parapara me Rregullat e lojës së Basketbollit.

15.4. Trajneri dhe ndihmës trajneri janë përfaqësuesit e vetëm të ekipit që mund të komunikojnë me gjyqtarët ndihmës. Gjatë ndeshjes, gjatë ndërprerjeve të lojës dhe ndaljes së orës së lojës, trajneri mund të ankohet në punën dhe objektivitetin e gjyqtarëve ndihmës tek vëzhguesi i ndeshjes, i cili vlerëson se a duhet të lajmërohen gjyqtarët e ndeshjes për këtë.

15.5. Trajneri/ndihmës-trajneri/përfaqësuesi zyrtar apo cilido person nga fletëparaqitja e lojtarëve për ndeshje, i cili përjashtohet, duhet të largohet nga fusha e lojës dhe nëse është nevojë edhe të lëshojë palestrën.

15.6. Në rast të dënimit të shqiptuar me ndalesë të ushtrimit të detyrës së trajnerit apo ndihmës trajnerit të ekipit, i njëjti në ndeshjen e ardhshme mund të jetë prezent tek shikuesit, por jo në anën në të cilën gjendet banka e ekipit të tij me lojtarë rezervë.

15.7. Nëse në ndeshjen zyrtare miqësore vjen deri te sjellja jo sportive e trajnerit, lojtarit apo shikuesve dhe kjo paraqitet nga ana e personit zyrtar, të njëjtit mund të sanksionohen nga ana e organit të FBK-së me sanksionet të cilat janë në fuqi për ndeshjet kampionale dhe ato të Kupës.

15.8. Vetëm trajnerët të cilët kanë licencën e lëshuar nga FBK dhe janë anëtarë të SHTFBK-së kanë të drejtë të udhëheqin me ekipet në atë kategori të garave për të cilën janë licencuar dhe kanë kryer obligimet ndaj SHTFBK-së ose FBK-së, ndërsa trajnerët që nuk kanë licenca zyrtare dhe trajnimin profesional, nuk kanë të drejtë të udhëheqin me ekipet apo shkollat e basketbollit në garat zyrtare dhe ndeshjet që organizohen nën patronatin e FBK-së.

15.9. Për licencimin e trajnerëve të huaj ekipet pjesëmarrëse do të paguajnë taksat sipas Rregullores për Licencimin e Trajnerëve, e si në vijim:

15.9.1. Licenca për një Krye-trajner të huaj gjatë edicionit do të kushtojë 1,500.00 EUR, kurse për ndihmës-trajnerin 2,500.00 EUR.

NENI 16 - PERSONAT ZYRTARË TË EKITIT



16.1. Përfaqësuesi zyrtar:

16.1.1. Përfaqësuesi zyrtar i ekipit duhet të jetë shtetas i Republikës së Kosovës. Është përgjegjës për organizimin e ndeshjes, para vëzhguesit të ndeshjes apo gjyqtarit të parë në emër të klubit i cili është organizator i ndeshjes. Përfaqësuesi zyrtar i ekipit nuk mund të jetë anëtar i Bordit të FBK-së.

16.1.2. Përfaqësuesit zyrtarë gjatë ndeshjes nuk kanë të drejtë të komunikojnë me vëzhguesin dhe gjyqtarët. Ata janë vetëm të autorizuar që të japin të dhëna për ndeshjen. Nëse ndodhë që përfaqësuesi zyrtar të shkojë te tavolina zyrtare, para, gjatë dhe pas ndeshjes për të nxitur tensione, do të sanksionohet sipas rregullave zyrtare të basketbollit dhe kundër tij do të iniciohet, nëse është nevoja, procedura disiplinore.

16.1.3. Përfaqësuesi zyrtar i ekipit është i obliguar që të bëjë paraqitjen e lojtarëve dhe përfaqësuesve zyrtarë në formularin e plotësuar dhe të vërtetuar me vulën e klubit, të cilin duhet t'ia dorëzojë vëzhguesit të ndeshjes më së voni 40 minuat para fillimit të ndeshjes së bashku me licencat e lojtarëve dhe përfaqësuesve zyrtarë të ekipit.

16.1.4. Para fillimit të edicionit garues Komisioni i Garave i lëshon më së shumti 7 (shtatë) licenca për përfaqësues zyrtarë të çdo ekipe.

16.2. Mjeku i ekipit dhe mjeku kujdestar:

16.2.1. Ekipi vendas apo organizatori i ndeshjes është i obliguar që të sigurojë mjekun kujdestar, i cili ka në dispozicion mjetet për dhënien e ndihmës së parë.

16.2.2. Mjeku kujdestar duhet të ketë licencën e vërtetuar për edicionin garues nga Komisioni i Garave.

16.2.3. Para fillimit të ndeshjes, mjeku do t'i prezantohet ekipit mysafir dhe do ta njoftojë për vendin ku do të ndodhet gjatë zhvillimit të ndeshjes.

16.3. Fizioterapeuti: Para fillimi të edicionit garues, Komisioni i Garave lëshon licencat për fizioterapeutin e ekipit.

16.4. Veshja zyrtare: Trajneri dhe personat tjerë zyrtarë të ekipit (përveç mjekut, fizioterapeutit dhe ekonomit), janë të obliguar që të jenë të veshur me veshje zyrtare (këmishë, xhakëtë, këpucë, pantallona të gjata). Rreptësisht është e ndaluar që gjatë kohës së ndeshjes personat zyrtarë në bankinë të jenë me pantallona të shkurtër (përveç të fizioterapeutit) dhe me patofne, papuçe apo sandale.

16.5. Zyrtari për Siguri:

16.5.1. Ekipet e Superligës Meshkujt dhe Femrat, para fillimit të edicionit garues duhet të informojnë Komisionin e Garave për emrin e personit i cili do të ushtron detyrën e Zyrtarit për Siguri në klub me të gjitha shënimet për vendosjen e kontaktit (telefoni dhe posta elektronike).

16.5.2. Detyrat e Zyrtarit për Siguri të Klubit janë:

- që të bëjë sigurinë gjatë arritjes së ekipit mysafir në vendin ku do të zhvillohet ndeshja, hyrja pa pengesë në palestër, qëndrimi dhe largimi nga



salla dhe vendi i zhvillimit të ndeshjes të ekipit mysafir dhe personave zyrtarë të ndeshjes (vëzhguesit dhe gjyqtarëve);

- që të kontaktojë Policinë e Republikës së Kosovës për të qenë prezente në ndeshje, minimumi 45 minuta para fillimit të ndeshjes. Numri i policëve të pranishëm në ndeshje duhet të jetë konform numrit të shikuesve në palestër (sipas rregullave të PK-së);

- që të kontaktoj Sigurimin Privat për të qenë prezent në ndeshje, minimumi 45 minuta para fillimit të ndeshjes. Numri i personave të angazhuar si sigurim privat në ndeshje duhet të jetë konform numrit të shikuesve në palestër (sipas rregullave të PK-së);

- që të bashkëpunojë ngushtë me PK dhe me Sigurimin Privat në mënyrë që fusha e lojës të jetë vetëm për akterët e ndeshjes prej fillimit e deri në fund të ndeshjes.

16.5.3. Komisioni i Garave para fillimit të edicionit garues do të lëshojë licencën në emër të Zyrtarit për Siguri të Klubit.

16.6. Personi për kontakt me FBK-në: Çdo klub është i obliguar që të caktojë personin përgjegjës, i cili në emër të klubit do t'i ketë të gjitha autorizimet për kontakte zyrtare me FBK-në. Në informatë klubi është i obliguar që të cekë numrin e telefonit dhe postën elektronike të personit të caktuar. Të gjitha kërkesat dhe ankesat drejtuar organeve të FBK-së do të dërgohen nga ky person dhe i njëjti duhet të nënshkruhet në fund të kërkesës/ankesës/emailit.

NENI 17 - KUSHTET E LICENCIMIT TË PËRFAQËSUESIT ZYRTAR TË EKIPIT

17.1. Çdo ekip para fillimit të edicionit garues duhet të aplikojë që t'i lëshohen licencat për personat zyrtarë për çdo detyrë (funksion) veç e veç.

17.2. Kërkesa paraqitet përmes platformës, bashkangjitur me një fotografi për çdo person për të cilin klubi aplikon.

NENI 18 - DHËNIA E DEKLARATAVE DHE KOMENTIMI I NDARJES SË DREJTËSISË

18.1. Pas përfundimit të ndeshjes së Superligës, trajneri/ndihmës-trajneri/kapiteni i ekipit, janë të obliguar të ndajnë deklaratën për platformën televizive e cila i gëzon të drejtat audio-televizive për transmetimin e ndeshjeve të FBK-së.

18.2. Lojtarët, trajnerët, ndihmës-trajnerët, personat zyrtarë, si dhe përfaqësuesit tjerë të ekipit, nuk kanë të drejtë të japin deklaratë publike për ndarjen e drejtësisë nga ana e gjyqtarëve, të komentojnë publikisht ndarjen e drejtësisë si dhe të japin deklaratë tjera jo-korrekte dhe jo sportive më cilat dëmtohet imazhi i ekipit kundërshtar, ligës dhe FBK-së.



18.3. Ankesat të cilat i përkasin ndarjes së drejtësisë, lëshimet në organizimin e ndeshjes dhe vërejtjet tjera i dorëzohen vëzhguesit të ndeshjes më së largu 15 minuta (vetëm nëse janë të nënshkruara nga kapiteni i ekipit) pas ndeshjes dhe dorëzohen në afat prej 24 orëve Komisionit të Garave, sipas dispozitave të këtyre Propozicioneve.

ORGANIZIMI PARA FILLIMIT TË NDESHJES

NENI 19 - ORGANIZIMI I NDESHJES

19.1. Federata e Basketbollit të Kosovës është e liruar nga çdo përgjegjësi për organizimin e ndeshjeve kampionale.

19.2. Ndeshja nuk mund të fillojë në mungesë të kushteve elementare për zhvillimin e ndeshjes, siç janë prania e Policisë dhe sigurimit privat në nivel të duhur, temperatura jo e duhur në palestër dhe kushtet tjera bazike sipas këtyre Propozicioneve dhe rregullave të basketbollit.

19.3. Nëse nuk ka kushte për zhvillim të ndeshjes 45 minuta para fillimit të planifikuar të saj, skuadra mysafire nuk del në terren dhe ndeshja shtyhet për 24 orë. Në rast të mossigurimit të kushteve elementare për zhvillim të ndeshjes dhe shtyrjes së saj sipas këtij paragrafi, ekipi vendas do të paguajë në xhirollogarinë e FBK-së shumat e përcaktuara në këtë paragraf me qëllim të mbulimit të shpenzimeve të shkaktuara për skuadrën mysafire, personat zyrtarë dhe ekipet e xhirimit televiziv. Pagesa sipas këtij paragrafi duhet të bëhet jo më vonë se 3 orë para terminit të paraparë për zhvillimin e ndeshjes së shtyrë, në të kundërtën ekipi vendas do të konsiderohet se ka dështuar në sigurimin e kushteve elementare për ndeshje dhe do ta humbë ndeshjen me rezultat zyrtar, në pajtim me rregullat e basketbollit. Shumat që duhet paguar nga ekipet vendase që kanë dështuar në sigurimin e kushteve elementare për zhvillim të ndeshjes janë:

19.3.1. Për skuadrat e Superligës Meshkujt, shuma që duhet paguar është 3,000.00€ (tre mijë euro);

19.3.2. Për skuadrat e Superligës Femrat dhe Ligës së Parë Meshkujt, shuma që duhet paguar është 1,000.00€ (një mijë euro);

19.3.3. Për skuadrat tjera që garojnë sipas këtyre Propozicioneve, shuma që duhet paguar është 500.00€ (pesë qind euro).

19.4. Ekipi vendas në cilësinë e organizatorit është i obliguar që t'i ndihmojë ekipit mysafir në çdo rast, t'ia caktojë përfaqësuesin e ekipit që t'i ndihmojë dhe të jep informata të nevojshme për ndeshje.

19.5. Organizatori duhet me kohë të paraqesë ndeshjen tek Policia e Kosovës dhe në ndeshje duhet të jetë prezent numër i mjaftueshëm i forcave policore, varësisht nga numri i shikuesve dhe niveli i rrezikshmërisë së ndeshjes. Nëse ndeshja nuk është paraqitur tek PK (apo ka mungesë të PK) e njëjta duhet të zhvillohet brenda 24 orëve dhe të gjitha shpenzimet tjera i bartë organizatori, krahas pagesës së taksës sipas nenit 19.3. më sipër. Kërkesa e paraqitur në PK për policinë sekondare duhet ti paraqitet Vëzhguesit të ndeshjes.



19.6. Organizatori duhet të sigurojë dy (2) qasje të hyrjes-daljes të lojtarëve për në teshatore, në të kundërtën skuadra mysafire do të largohet e para dhe atë para largimit të skuadrës vendase dhe gjyqtarëve.

19.7. Organizatori duhet të sigurojë vend të përshtatshëm për vendosjen e Reklamave fikse dhe LED të sponsorëve të ligës dhe të FBK-së në sallë, sipas përcaktimit dhe formatit të caktuar nga FBK para fillimit të edicionit. Vendosja e reklamave bëhet sipas kontratave që FBK-ja ka me sponsorët e saj. Organizatori i mban përgjegjësitë dhe i nënshtrohet sanksioneve për mos respektimin e dispozitave të marrëveshjes me sponsorë. Vendosja e reklamave të sponsorit gjeneral të FBK-së do të përcaktohet në një Rregullore për Marketing në ndeshjet e organizuara nga FBK, e cila do të miratohet nga Bordi i FBK-së dhe do të konsiderohet pjesë përbërëse e këtyre Propozicioneve të Garave.

19.8. Organizatori është i obliguar që në çdo ndeshje të vendos flamurin shtetëror me dimensione 200 x 96cm në vendin e dukshëm për të gjithë pjesëmarrësit.

19.9. Organizatori është i obliguar që të sigurojë hapësirën e veçantë për përfaqësuesit e akredituar të mediave.

19.10. Organizatori është i obliguar që të sigurojë prezencën e ambulancës në ndeshjet e Superligës Meshkujt dhe Femrat. Në mungesë të ambulancës, ndeshja nuk mund të fillojë.

19.11. Organizatori është i obliguar që të sigurojë hapësirën e veçantë dhe të sigurtë (mbuluar me plexi glass), tavolinat punuese për radio dhe TV kanalet të cilat transmetojnë ndeshjet e organizuara sipas këtyre Propozicioneve.

19.12. Organizatori është i obliguar që 90 minuta para fillimit të ndeshjes të kontaktojë produksionin në lidhje me transmetimin e drejtpërdrejtë të ndeshjes për të gjitha ndeshjet të cilat ekziston transmetimi televiziv, si dhe të kontaktojë me personat përgjegjës të FBK-së për të gjitha ndeshjet në të cilat organizohet shfaqja online në platformat e FBK-së.

19.13. Organizatori është i obliguar që të sigurojë personin me pajisje për pastrimin e fushës së lojës, i cili në çdo kohë duhet të jetë afër fushës (prapa panove të reklamave) dhe të veprojë menjëherë në ftesë të gjyqtarëve. Personi përgjegjës sipas këtij paragrafi duhet të jetë lojtar i regjistruar i grup-moshave të reja i ekipit organizator i licencuar për garim në FBK.

19.14. FBK ruan të drejtën e realizimit të marketingut për sponsorët dhe partnerët në fusha të lojës dhe në palestrat ku zhvillohen ndeshjet. Dispozitat e sakta të marketingut precizohen me Rregulloren për Marketing, që e miraton Bordi i FBK-së. Shkeljet e Rregullores për Marketing do të konsiderohen shkelje të këtyre Propozicioneve dhe do të sanksionohen sipas tyre.

19.15. Ekipi organizator është përgjegjës për sjelljet e shikuesve dhe të ftuarve të vendosur pranë terrenit dhe do të marrë të gjitha masat për të siguruar që të njëjtit me sjelljet e tyre nuk do të pengojnë akterët në terren. Në të kundërtën, vëzhguesi dhe/ose gjyqtari i parë i ndeshjes ruan të drejtën e largimit të cilitdo person që pengon në çfarëdo



forme, me veprime, lëvizje, sharje/fyerje/kërcënim, apo në çfarëdo mënyre tjetër, akterët e ndeshjes (lojtarët, zëvendësuesit, personat zyrtarë, etj.).

19.16. Organizatori obligohet që të respektojë dhe bashkëpunoj me FBK-në dhe kompaninë e kontraktuar për shitjen e biletave online, konform Udhëzuesit për Shitjen e Biletave Online.

NENI 20 - PALESTRA

20.1. Ndeshjet në të gjitha nivelet, mund të zhvillohen vetëm në Palestra të cilat i plotësojnë kushtet e parapara me rregullat zyrtare të basketbollit dhe FIBA Equipment.

20.2. Çdo palestër duhet të ketë hyrje zyrtare, të ndarë nga hyrja e shikuesve, e cila mundëson hyrje/dalje të papenguar të ekipeve dhe personave zyrtarë.

20.3. Nëse vërtetohet se salla nuk i plotëson kushtet e parapara me akte normative dhe me këto Propozicione, Komisioni i Garave do të caktojë një afat kohor brenda të cilit duhet të mënjanojen të gjitha mungesat, në të kundërtën, do të ndalohet zhvillimi i ndeshjeve në atë palestër.

20.4. Organizatori duhet të ketë pajisjet e mjaftueshme teknike dhe staf profesional për ndërrimin e tabelës në kohën më të shkurtër nëse vjen deri te dëmtimi i tabelës si dhe të gjitha pajisjeve tjera të nevojshme për zhvillimin e garave sipas këtyre Propozicioneve dhe rregullave të lojës.

20.5. Organizatori duhet të ketë pajisjet për matjen e lartësisë së harkut, temperaturës në palestër dhe të gjitha pajisjet tjera të nevojshme për zhvillimin e grave sipas këtyre Propozicioneve dhe rregullave të lojës.

NENI 21 - LOKALET ZYRTARE

21.1. Organizatori është i obliguar që të sigurojë lokalet zyrtare në palestër:

21.1.1. Teshatoren për ekipin mysafir me minimum 24 varëse për rrobe, 12 ulëse apo bankinë për 12 persona;

21.1.2. Teshatoren për gjyqtarë me minimum 6 varëse për rrobe, tri ulëse dhe tavolinën;

21.1.3. Lokalin për përpilimin e raportit të vëzhguesit (me kompjuter dhe internet);

21.1.4. Dhomën e përshtatshme për kontrollë të dopingut me një tualet.

21.2. Teshatoret për lojtarë dhe gjyqtarë duhet të jenë të pajisura me nyje sanitare, më tusha dhe me hapësirë të nevojshme për zhveshjen e 12 lojtarëve.

21.3. Në teshatoret për lojtarë dhe gjyqtarë, organizatori është i obliguar të sigurojë pije të mjaftueshme freskuese (ujë).

NENI 22 - FUSHA E LOJËS



22.1. Dyshemeja për lojë duhet të jetë nga parketi apo bazamenti tjetër i cili i plotëson standardet e FIBA-s.

22.2. Fusha e lojës duhet të jetë me dimensione 28x15 metra, sipas rregullave zyrtare të lojës me hapësirë prej 2m rreth fushës së lojës në të cilën nuk guxon të ketë reklama apo diç tjetër.

22.3. Fusha duhet të jetë e shënuar në pajtim me Rregullat e lojës së basketbollit. Të gjitha vijat e parapara me rregulla duhet të jenë të shënuara me ngjyrë të njëjtë - e BARDHË, e rekomanduar nga FIBA.

22.4. Fusha e lojës duhet të jetë e ndriçuar njëjtë në çdo pjesë të saj me më së paku 1.500 lukse, e matur 1 (një) metër mbi sipërfaqen e fushës së lojës.

22.5. Lartësia e pikës më të ulët e tavanit - plafonit, gjegjësisht pengesa më e ulët mbi fushë të lojës duhet të jetë 7 (shtatë) metra e matur nga dyshemeja (parketi) e fushës.

22.6. Në fushën e lojës nuk lejohet vendosja e LOGOVE të sponsoreve në hapësirën ku mund të ketë Pozicionim të lojtarit brenda/jashtë zonës së gjysmërrethit pa ndërhyrje.

NENI 23 - BANKINAT PËR EKIPE

23.1. Bankinat për ekipe duhet të jenë mjaft të gjata që në mënyrë komode të ulen 16 persona, apo në vendin e rezervuar për bankinën e ekipit të ketë 16 karrige.

23.2. Në bankinën për lojtarë rezervë kanë të drejtë, kurse gjatë ndeshjes duhet të ulen, këta persona të cilët janë paraqitur në listën paraqitëse të ekipit dhe posedojnë licencat e vlefshme për sezonin garues:

23.2.1. Trajneri, i cili ka të drejtë të qëndrojë edhe gjatë ndeshjes në hapësirën e kufizuar dhe që i takon ekipit të tij;

23.2.2. Trajneri ndihmës, i cili ka të drejtë të qëndrojë gjatë ndeshjes në hapësirën e kufizuar dhe i takon ekipit të tij, ka të drejtë komunikimi vetëm me lojtarët e tij, nëse në atë moment trajneri është i ulur (nuk është e lejuar të qëndrojnë të dytë në të njëjtën kohë);

23.2.3. Përfaqësuesi zyrtar i ekipit;

23.2.4. Shtatë lojtarë rezervë;

23.2.5. Mjeku;

23.2.6. Fizio-terapeuti.

23.3. Ekipi gjatë ndeshjes në bankinë mund të ketë edhe 2 fizio-terapeutë, 2 mjekë apo 2 ndihmës trajnerë, por numri i personave zyrtarë jashtë lojtarëve rezervë nuk mund të jetë më i madh se 9 (nëntë).

23.4. Personave të lartcekur në bankinë nuk u lejohet të ulen apo të qëndrojnë në pjesë të tjera të palestrës, përfshirë tribunat, zonat për publikun apo çdo hapësirë tjetër e paparashikuar për ta.



23.5. Në bankina të ekipit ndalohet ulja e personave që janë bartës të posteve më të larta ekzekutive në klubet përkatëse dhe e personave që janë anëtarë të Bordit të FBK-së.

23.6. Trajneri, ndihmës trajneri apo personi zyrtar i ekipit nuk ka të drejtë që të jetë në bankinën e ekipit nëse nuk posedon licencën për edicionin garues, të vërtetuar dhe të lëshuar nga Shoqata e Trajnerëve.

23.7. Bankina e ekipit mysafir duhet të jetë e siguruar me mburojë nga pleksi glasi në tërë gjatësinë e bankinës.

NENI 24 - TAVOLINA ZYRTARE

24.1. Tavolina zyrtare dhe tavolina teknike duhet të jetë e vendosur në mesin e një prej vijave të mesme të fushës (prapa së cilës gjinden bankinat e lojtarëve rezervë të dy ekipeve).

24.2. Gjatësia e tavolinës zyrtare duhet të ketë hapësirë në mënyrë që të ofrojë kushte për punën e personave zyrtarë që janë të ulur dhe atë nga ana e majtë në të djathtë:

24.2.1. Matësi i 14 dhe 24 sekondave;

24.2.2. Matësi i kohës;

24.2.3. Vëzhguesi i ndeshjes;

24.2.4. Procesmbajtësi i protokollit Digjital (DSS) të ndeshjes;

24.2.5. Një monitor të dedikuar dhe të veçantë për IRS (Instant Replay System), i cili nuk mund të jetë pjesë e pajisjeve të komentatorit apo përdorimit të tij.

24.3. Tavolina teknike do të ofrojë kushte për punë për:

24.3.1. Mbajtësin e statistikave live;

24.3.2. Komentatorin e ndeshjes;

24.3.3. Speaker-in zyrtar;

24.3.4. Cilido person i autorizuar nga FBK për këtë qëllim.

24.4. Në të dy anët e tavolinës zyrtare duhet të jenë të vendosura nga dy karrige për lojtarët (zëvendësuesit) që presin për të hyrë në lojë.

24.5. Organizatori është i obliguar që të sigurojë:

24.5.1. Treguesit prej numrit 1 - 5 për gabimet personale (vetjake);

24.5.2. Treguesit e gabimeve personale (Bonus);

24.5.3. Treguesin e shigjetës së zotërimit alternativ të topit;

24.5.4. Pipin rezervë, në rast defekti të sirenës në semafor apo dëgjimi i dobët i sirenës;

24.5.5. Metrin ose mjetin adekuat për matjen e lartësisë së koshit;

24.6. Më tej, Organizatori është i obliguar që të sigurojë edhe mjetet teknike ndihmëse për ndeshje (sipas nevojës):

24.6.1. Kronometrin e dorës për matjen e kohës me mundësi që kohën ta matë prapa dhe vazhdimi i matjes së kohës nga koha e ndalur;

24.6.2. Kronometrin për matjen e 24 sekondave;

24.6.3. Mjetin për të treguar 10 sekondat e fundit të aksionit të ekipit;



24.6.4. Treguesin e rezultatit (semafori Manual).

NENI 25 - SEMAFORI ELEKTRONIK

25.1. Semafori që do të shfrytëzohet për ndeshjet e organizuara sipas këtyre Propozicioneve duhet të përmbushë të gjitha kriteret sipas rregullave të lojës.

25.2. Në veçanti, përveç përmbushjes së kushteve sipas paragrafit të mësipërm, semafori elektronik duhet të ketë mundësi që të masë kohën e lojës prej 10:00 në 00:00 minuta e treguar me numra. Në minutën e fundit të periudhës apo të kohës shtesë, semafori të tregojë edhe të qindtat e sekondës.

25.3. Semafori duhet të tregojë rezultatin, kohën e mbetur dhe numrin e gabimeve personale (vetjake)/teknike të ekipeve, si dhe hyrjen në bonus.

25.4. Semafori duhet të jetë i vendosur në pjesë të dukshme, sipas rregullave të lojës.

NENI 26 - APARATURA PËR 24 SEKONDA

26.1. Aparaturat (display) për matjen e 24 sekondave duhet të jenë të vendosura mbi të dy tabelat e koshave.

26.2. Nëse nuk mund të vendosen mbi tabela, atëherë ato mund të vendosen në dy këndet e kundërta të fushës së lojës.

26.3. Pajisja për matje duhet të ketë mundësinë e rikthimit të kohës së lojës, kohës së plotë të sulmit (24 sec) apo kohës së sulmit në rast të vazhdimit nga gjysmë-pjesa e kundërshtarit (14 sec), dhe në 5 sekondat e fundit të sulmit të tregohen edhe qindrat e sekondave.

NENI 27 - TOPI I LOJËS

27.1. Ndeshjet e Superligës Meshkujt zhvillohen me topa 'SPALDING'- TF1000 me emblemë të FBK-së apo Superligës.

27.2. Ndeshjet e Superligës Femrat dhe Ligës Zhvillimore U21 Vajzat zhvillohen me topa 'Molten'.

27.3. Ndeshjet e ligave tjera të meshkujve zhvillohen me topa 'SPALDING'-TF1000.

27.4. Organizatori i ndeshjes është i obliguar që të sigurojë së paku katër topa në gjendje të rregullt për skuadrën mysafire më së voni 30 minuta para fillimit të ndeshjes. Gjyqtarit të Parë i dorëzohen topat për zhvillimin e ndeshjes, dhe Gjyqtari i Parë vendos për zgjedhjen e topit të lojës.

NENI 28 - TEMPERATURA NË PALESTRA

28.1. Temperatura gjatë zhvillimit të ndeshjes në sallë nuk mund të jetë më pak se 15 Gradë Celsius. Në rast të dështimit të ekipit vendas për të siguruar palestrën që përmbushë këtë kusht, do të zbatohen dispozitat e nenit 19.3 të këtyre Propozicioneve.



28.2. Ekipi vendas – organizatori, është i obliguar që vëzhguesit të ndeshjes t'i sigurojë termometrin për çdo ndeshje, nëse është e nevojshme që të bëhet matja e temperaturës në sallë.

28.3. Në rast se ekipi nikoqir nuk ka mundësi të sigurojë palestër të përshtatshme për zhvillimin e garave sipas këtij neni, Komisioni i Garave do të vendosë për zhvendosjen e ndeshjeve të ekipit në fjalë si vendas.

NENI 29 - ZËRIMI

29.1. Skuadrat vendase ose organizatorët e ndeshjeve të Superligave janë të obliguar të sigurojnë pajisjet e zërimit të cilat përdoren para fillimit dhe gjatë zhvillimit të ndeshjes, për prezantimin zyrtar të lojtarëve dhe për dhënien e informatave të tjera të ndeshjes si dhe intonimin e himnit të Republikës së Kosovës.

29.2. Zërimi mund të përdoret vetëm për të informuar/njoftuar shikuesit për ngjarjet në fushë gjatë ndeshjes dhe nuk guxon të përdoret për: lëshimin e muzikës gjatë kohës së zhvillimit të ndeshjes derisa ora për matjen e kohës së ndeshjes është duke punuar, për të nxitur shikuesit për anim, për komentimin e ndarjes së drejtësisë, për lëshimin e muzikës ose përdorimin e mikrofonit me qëllim nxitjen e ofendimeve në kor para dhe gjatë kohës së zhvillimit të ndeshjes, etj.

29.3. Personi i cili manovron me zërim dhe moderatori zyrtar, duhet të jenë në tavolinën teknike, afër tavolinës zyrtare dhe gjatë kohës së ndeshjes duhet të bashkëpunojë me Vëzhguesin e ndeshjes.

NENI 30 - REZERVIMET E BILETAVE DHE FTESAVE PËR EKIPIN MYSAFIR DHE ZYRTARËT DHE TË FTUARIT E FBK

30.1. Organizatori është i obliguar që për ekipin mysafir të sigurojë deri 10 ftesa të cilat do t'i dorëzohen 48 orë para fillimit të ndeshjes apo me arrijten e ekipit në vendin e zhvillimit të ndeshjes.

30.2. Organizatori është i obliguar që në kërkesë me shkrim të ekipit mysafir dhe pas dhënies së pëlqimit me shkrim nga Komisioni i Garave 72 orë para fillimit të ndeshjes, të sigurojë deri në 300 bileta për shikuesit e saj. Komisioni i Garave mund të jap pëlqimin e tij ose jo, pas konsultimit me organet e sigurisë. Parashtruesi i kërkesës e mban përgjegjësinë për shikuesit e vet dhe i nënshtrohen sanksioneve sikurse edhe vendësi për mos respektimin e Propozicioneve të Garave.

30.3. Organizatori është i obliguar që për të gjitha ndeshjet të sigurojë automatikisht 5 ulëse në mes të fushës për zyrtarët e lartë të FBK-së, gjegjësisht për Kryetarin, Sekretarin e Përgjithshëm dhe anëtarë të tjerë. Për më shumë, organizatori është i obliguar që në kërkesë me shkrim të FBK-së, të sigurojë 15 ulëse të tjera në hapësirën e caktuar për VIP për anëtarët e Bordit, mysafirët dhe Sponsorët e Ligave të FBK-së. Bartësit e postit më të



Iartë ekzekutiv në klubet përkatëse, nëse janë të pranishëm në sallë, preferohet të përcjellin ndeshjen në shoqëri të Kryetarit të FBK-së.

30.4. Organizatori i ndeshjes është i obliguar të sigurojë që fusha e lojës t'i takojë vetëm akterëve të ndeshjes që janë të paraqitur në listat paraqitëse të klubeve, dhe zyrtarëve të ndeshjes.

30.5. Cenimi i fushës nga ana e shikuesve, personave jo zyrtarë dhe i cili mund të vijë deri te kontakti fizik me lojtarët, trajnerët dhe personat zyrtarë është i papranueshëm dhe do të sanksionohet konform këtyre Propozicioneve. Organizatori i ndeshjes duhet të sigurohet që, prej fillimit të ndeshjes e deri pas përfundimit të saj, përveç akterëve të ndeshjes askush të mos jetë i pranishëm në fushën e lojës.

30.6. Numri i ulëseve VIP që mund të vendosen në parket përcaktohet në varësi të konfigurimit të sallës dhe standardeve të sigurisë, duke respektuar kërkesat organizative të FBK-së.

30.7. Nëse konstatohet se ka me tepër karrige të vendosura ato duhet të largohen dhe nëse ato nuk largohen ndeshja nuk do të fillojë. Njësoj, nëse konstatohet se ka më shumë persona se karrige, ata persona duhet larguar nga parketi (qëndrimi në këmbë nuk lejohet). Përgjegjësia për numërimin e karrigeve - ulëseve në dysheme - parket i takon vëzhguesit të ndeshjes.

NENI 31 - OBLIGIMET E EKIPIT MYSAFIR

31.1. Ekipi mysafir është i obliguar të mbërrijë me kohë në vendin e zhvillimit të ndeshjes duke përdorë transportin vetanak.

31.2. Ekipi mysafir duhet me shkrim ta njoftojë Zyrtarin për Siguri të ekipit vendës, më së voni 48 orë para fillimit të ndeshjes, duke e cekur terminin dhe vendin e saktë ku do të mbërrijnë në vendin ku zhvillohet ndeshja.

31.3. Nëse ekipi mysafir nuk e lajmëron Zyrtarin për Siguri të ekipit vendës apo arrin në termin tjetër nga ai që është caktuar, organizatori nuk do të ketë përgjegjësi për pasojat eventuale.

ORGANIZIMI GJATË KOHËS SË NDESHJES

NENI 32 - FILLIMI I NDESHJES

32.1. Për fillim të ndeshjes konsiderohet momenti kur gjyqtarët hyjnë në fushë dhe kërkojnë nga kohë matësi që të lëshojë në funksion orën e ndeshjes që të punojë nga 20:00 në 00:00 minuta.

32.2. Me fillimin e këtyre 20 minutave, vëzhguesi verifikon se organizatori i ka plotësuar të gjitha kushtet dhe dispozitat e rregullave dhe të këtyre PG.



32.3. Nëse konstatohet ndonjë mungesë/defekt në ndonjë pajisje apo mos prezenca e gjyqtarit-ëve ndihmës, organizatori do t'i lejohen jo më shumë se 30 minuta që t'i sjellë në rregull pajisjet apo që të sigurojë gjyqtarin-ët ndihmës.

32.4. Nëse mungesat e konstatuara nuk mund të eliminohen në kohën e caktuar, apo nëse të njëjtat janë shkaktuar pas lëshimit në punë të orës 20:00 minuta para fillimit të ndeshjes, ndeshja do të shtyhet brenda 24 orëve të ardhshme sipas këtyre Propozicioneve.

32.5. Ndeshja mund të zhvillohet apo edhe të përfundohet me mjetet ndihmëse teknike të cekura në nenin 25, por me kusht që Gjyqtari i Parë dhe ekipi mik të pajtohen që ndeshja të zhvillohet nën këto kushte, gjë që duhet të konstatohet dhe të ceket në Raportin e Vëzhguesit dhe të verifikohet me nënshkrimin e përfaqësuesit zyrtar të ekipit mik.

32.6. Fillimi i ndeshjes sipas minutave:

40:00 minuta para fillimit të ndeshjes

Matësi i kohës, me lejin e vëzhguesit, e lëshon në punë orën për matjen e Kohës; Përfaqësuesit zyrtarë i sjellin vëzhguesit të ndeshjes fletëparaqitjet e lojtarëve dhe personave, si dhe licencat e tyre;

20:00 minuta para fillimit të ndeshjes (intervali i ndeshjes)

Gjyqtarët hyjnë në fushë, përshëndeten me përfaqësuesit zyrtarë dhe vendosen përballë tavolinës zyrtare.

10:00 minuta para fillimit të ndeshjes

Trajnerët në ftesë të vëzhguesit të ndeshjes (gjyqtarit të parë), me nënshkrimin e tyre, vërtetojnë lojtarët e paraqitur të ekipit dhe caktojnë pesëshen e cila do të fillojë ndeshjen. Gjatë kësaj procedure, protokollin e ndeshjes i pari e nënshkruan trajneri i ekipit vendas apo trajneri i ekipit që është shënuar i pari në protokollin e ndeshjes.

09:00 minuta para fillimit të ndeshjes

Gjyqtari i parë i fton lojtarët që ta braktisin fushën dhe të vendosen te bankina e tyre për t'u bërë prezantimi i lojtarëve me anë të zërimit;

Së pari prezantimi bëhet i ekipit mysafir apo ekipit të dytë të shënuar në protokollin e ndeshjes duke filluar nga kapiteni i ekipit, lojtarëve në bazë të numrave në fanellë dhe në fund të trajnerit dhe ndihmës trajnerit. Lojtarët radhitën përgjatë vijës për gjuajtjet e lira.

Pas prezantimit të ekipeve, prezantuesi i prezanton edhe personat zyrtarë (gjyqtarët dhe vëzhguesin) të ndeshjes. Pas përfundimit të prezantimit të pjesëmarrësve, ekipet përshëndeten në mes veti.

06:00 Intonimi i himnit të Republikës së Kosovës

03:00 minuta para fillimit të ndeshjes

Koha e mbetur për nxehjen e ekipeve. Kohëmatësi i njofton gjyqtarët.



01:30 minuta para fillimit të ndeshjes

Gjyqtari i parë i njofton ekipet që të tërhiqen nga fusha dhe të përgatiten pesëshet për fillimin e ndeshjes.

30 sekonda para fillimit të ndeshjes

Kohëmatësi e reseton orën në 10:00 minuta për fillimin e ndeshjes. Pesëshet e caktuara hyjnë në fushën e lojës.

NENI 33 - RRJEDHA E NDESHJES

33.1. Organizatori i mban të gjitha përgjegjësitë për të gjitha shkeljet dhe incidentet të cilat ndodhin para, gjatë dhe pas përfundimit të ndeshjes.

33.2. Organizatori duhet të jetë i gatshëm në çdo moment që të kontrollojë sjelljen e shikuesve.

33.3. Organizatori nuk guxon të lejojë personat jo zyrtarë dhe shikuesit që të cenojnë fushën e lojës në pjesën e rrethuar apo të valëvitin me flamuj përtej pjesës së rrethuar.

33.4. Organizatori është përgjegjës për hedhjen e petardëve dhe gjësendeve tjera në fushë nga ana e shikuesve, pa marrë parasysh se cila anë e shikuesve bënë hedhjen e tyre.

33.5. Në rast të tolloive në fushë apo sallë, organizatori duhet të ndërmarrë masa dhe të mbrojë të gjithë anëtarët e ekipeve, gjyqtarët dhe vëzhguesin. Organizatori duhet të sigurojë hyrjen e tyre në teshatore, kurse për ekipin mysafir dhe personat zyrtarë edhe largimin nga qyteti. Nëse incidentet ndodhin nga ana e shikuesve të ekipit mysafir, të lajmëruar në mënyrë zyrtare, përgjegjës do të jetë ekipi mysafir. Gjatë ndeshjes personi zyrtar i ekipit vendas duhet të jetë i ulur në bankën e rezervistëve dhe për organizimin e ndeshjes përgjegjës është vëzhguesi i ndeshjes.

33.6. Për të gjitha lëshimet sipas këtij neni si dhe tentim sulmet apo sulmet fizike në ekipe, gjyqtarë apo vëzhgues, do të caktohen dënimet e përcaktuara sipas këtyre Propozicioneve.

NENI 34 - GRUPET SIMPATIZUESE, MASKOTA

34.1. Është e ndaluar hyrja në sallë për personat të cilët kanë me veti pije alkoolike, armë apo gjësende të cilat mund të shfrytëzohen si armë, duke përfshirë edhe pishtarë, petardë dhe mjete të tjera piroteknike. Nëse këto mjete lajmërohen gjatë ndeshjes, organizatori është i obliguar që mjetet e tilla dhe personat menjëherë t'i largojë nga salla.

34.2. Është e ndaluar futja e flamujve, simboleve ose teksteve të cilat, me apo pa qëllim, fyejnë në baza fetare, nacionale dhe racore, ndikojnë ose bëjnë thirrje në dhunë, si dhe pamfleteve të cilat kanë përmbajtje josportive dhe tallje me ndonjë individ, ekip apo organizatë. Është obligim i klubit që menjëherë t'i largojë, në të kundërtën ndeshja nuk do të vazhdojë, kurse pasojat do t'i bartë organizatori në bazë të Propozicioneve të Garave dhe



Ligjit për Parandalimin dhe Sanksionimin e Dhunës dhe Dukurive Negative në Ngjarjet Sportive.

34.3. Organizatori mund të organizojë grupe të cilat gjatë ndërprerjeve të lojës (time-out), në pushimet në mes të periudhave, dhe gjatë çdo ndërprerje të gjatë të lojës, me lejinim e gjyqtarëve, të ekzekutojnë pika artistike (paraqitje artistike apo muzikore).

34.4. Në fushë mund të jetë prezentë edhe maskota e ekipit, e cila mund të paraqitet vetëm gjatë ndërprerjeve të lojës.

34.5. Gjatë kohë së lojës maskota apo grupi duhet të qëndrojë prapa panove të reklamave, jashtë hapësirës prej 2 metrave nga fusha e lojës.

NENI 35 - INSTRUMENTET MUZIKORE

35.1. Shikuesit e ndeshjes mund të përdorin instrumente muzikore, për të bërë atmosferë anuse, por nuk lejohet të qëndrojnë prapa bankinave të ekipeve.

35.2. Nuk lejohet përdorimi i sirenavë, vuvuzelave dhe rekuizitave të ngjashme të cilat bëjnë zhurmë të madhe.

35.3. Nuk lejohet përdorimi i mjeteve që në çfarëdo mënyre (audio-vizuale, fizike, etj.) pengojnë akterët e ndeshjes.

ORGANIZIMI - PAS PËRFUNDIMIT TË NDESHJES

NENI 36 - STATISTIKA E NDESHJES

36.1. Organizatori është i obliguar që t'i udhëheqë statistikat e ndeshjes për ndeshjet e Superligës Meshkujt, Ligës së Parë Meshkujt, Superligës Femrat dhe Ligës Zhvillimore U21 Vajzat.

36.2. Mbajtësi i statistikave është i obliguar që t'i realizojë të gjitha punët për mbarëvajtjen e statistikave live dhe t'i dorëzojë ato elektronikisht në adresën e Komesarit të Garave.

36.3. Statistikat mbahen live në ueb faqen e FBK-së dhe janë pronë e FBK-së. FBK ruan të drejtën e disponimit me statistikat në formën dhe mënyrën që i shërben më së miri basketbollit të Kosovës.

36.4. Organizatori është i obliguar të sigurojë rrjetin kabllorë stabile të internetit për kompjuter në të cilën udhëhiqet statistika zyrtare, për transmetim direkt dhe për përcjelljen me kohë të statistikave te Komesari i Garave.

36.5. Në rast të kërkesës së shtabit teknik të ekipeve ose gazetarëve të akredituar, klubet janë të obliguara që t'ua japin nga një kopje të statistikave pas secilit çerek të ndeshjes. Për këtë qëllim, organizatori duhet të sigurojë qasje në një printer funksional gjatë organizimit të secilës ndeshje sipas këtyre Propozicioneve.



36.6. Udhëheqësit e statistikave në ndeshje janë personat që licencohen nga FIBA ose FBK për mbajtje të statistikave.

NENI 37 - VIDEO XHIRIMI

37.1. Ndeshjet e zhvilluara sipas këtyre Propozicioneve duhet të xhirohen në format të përshtatshëm për transmetim televiziv apo për shfaqje në platformat online të FBK-së. Xhirimet e prodhuara të ndeshjeve janë pronë e FBK-së.

37.2. Xhirimi duhet të fillojë nga momenti i daljes së ekipeve në fushë dhe duhet të mbarojë pas largimit përfundimtar të gjyqtarëve nga fusha e lojës.

37.3. Të gjitha ndeshjet e Superligës Meshkujt do të transmetohen në platforma me shtrirje mbarëkombëtare ndërsa ndeshjet tjera duhet të vihen në dispozicion nga organizatori për shfaqje në Youtube, përmes shfrytëzimit të sistemit të xhiritit autonom të vendosur nga FBK apo përmes organizimit të xhiritit të ndeshjes nëpërmjet operatorëve tjerë të angazhuar për këtë qëllim.

NENI 38 - SHPALLJA E REZULTATIT PËRFUNDIMTAR TË NDESHJES

38.1. Vëzhguesi apo Gjyqtari i Parë (nëse në ndeshje nuk ka vëzhgues) më së voni 30 minuta pas përfundimit të ndeshjes janë të obliguar që ta njoftojnë Komesarin e Garave me rezultatin e arritur nëpërmjet telefonit.

38.2. Nëse Komesari i Garave nuk njoftohet me rezultatin përfundimtar, apo nuk njoftohet në mënyrën e përcaktuar me nenin 38.1., vëzhguesi apo Gjyqtari i Parë (nëse nuk ka vëzhgues) do të dënohen në pajtim me kriteret e këtyre Propozicioneve.

NENI 39 - RAPORTI I VËZHGUESIT/PROTOKOLLI

39.1. Përpilimi i raportit të vëzhguesit të bëhet në kompjuterin e mbajtësit të statistikave brenda 15 minuta pas përfundimit të ndeshjes, në rastet ku ekzistojnë kushtet për përpilimin e raportit të ndeshjes. Në rastet e tensioneve apo pamundësisë, raporti i ndeshjes mund të dërgohet në mundësinë e parë të përpilimit.

39.2. Në raportin e vet, vëzhguesi duhet të cek mënyrën e udhëtimit të personave zyrtarë në ndeshje, së bashku apo në mënyrë individuale.

39.3. Vëzhguesi dhe gjyqtarët nuk janë të autorizuar që ta njoftojnë opinionin me raportin e ndeshjes.



39.4. Me kërkesë të Komisionit të Garave, vëzhguesi dhe gjyqtarët janë të obliguar të dërgojnë raportin plotësues në afat sa më të shkurt, një (1) orë pas përfundimit të ndeshjes apo më së voni deri në orën 12:00 të ditës së ardhshme.

PERSONAT ZYRTARË NË NDESHJE

NENI 40 - VËZHguesi

40.1. Detyrën e vëzhguesit në ndeshje e kryen personi i cili gjendet në listën e propozuar nga ana e Shoqatës së Gjyqtarëve të FBK-së, e aprovuar nga Bordi i FBK-së. Nëse ndodhë që në ndeshje nuk është prezent Vëzhguesi i ndeshjes për çfarëdo arsye, atëherë kompetencat e vëzhguesit i merr gjyqtari i parë.

40.2. Delegimin e vëzhguesve në të gjitha ndeshjet e bën Komesari i Garave i FBK-së. Vëzhguesi në garat e organizuara sipas këtyre Propozicioneve gjithmonë është i obliguar të paraqitet me veshje formale dhe të respektojë kodeksin e veshjes.

40.3. Vëzhguesi delegohet në ndeshje për të siguruar rrjedhjen normale të saj sipas kriterëve të parapara dhe duhet të bashkëpunojë me gjyqtarë para, gjatë dhe pas ndeshjes. Gjatë ndeshjes është i ulur në mes të procesmbajtësit dhe kohëmatësit.

40.4. Vëzhguesi është përgjegjës për:

40.4.1. Punën dhe funksionimin e gjyqtarëve ndihmës në tavolinën zyrtare;

40.4.2. Kontrollimin e licencave MAP të lojtarëve dhe personave zyrtarë të paraqitur në ndeshje;

40.4.3. Sigurimin e dokumentacionit të kërkuar;

40.4.4. Garantimin se në bankinë nuk do të ulët personi i cili nuk posedon licencë;

40.4.5. Të kërkuar largimin e të gjithë personave të cilët mund të pengojnë mbarëvajtjen e ndeshjes.

40.5. Vëzhguesi mund të zëvendësojë gjyqtarin ndihmës, nëse konstaton së është duke gabuar dhe me këtë ndikon në rrjedhjen e rregullt të ndeshjes.

40.6. Në rastin e përshkruar në paragrafin paraparak bëhet pushimi për zëvendësimin e gjyqtarit ndihmës.

40.7. Vëzhguesi e bënë zëvendësimin prej gjyqtarëve ndihmës apo gjyqtarëve të pranishëm në sallë. Nëse para fillimit të ndeshjes në terminin e caktuar nuk paraqitet një gjyqtar, apo me shumë, vëzhguesi bënë zëvendësimin me gjyqtarët e pranishëm nga lista e përcaktuar. Nëse në afat prej 60 minutave nuk plotësohen kushtet nga alineja e mëparshme që të fillojë apo vazhdojë ndeshja, Vëzhguesi është i obliguar që ta lajmërojë Komesarin e Garave për caktimin e gjyqtarit-ëve tjerë. Shpenzimet për shtyrjen (pezullimin) e ndeshjes do t'i bartë FBK.

40.8. Vëzhguesi ka për detyrë:

40.8.1. Të vëzhgojë situatën tek shikuesit dhe në rast të nevojës t'i lajmërojë gjyqtarët për të ndërmarrë masa me kohë;



40.8.2. Që në raportin e tij të jep vlerësimin për organizimin e ndeshjes. Është i obliguar që të përshkruaj çdo moment diskutabil;

40.8.3. Që të paraqet kryerësin e shkeljeve të rënda;

40.8.4. Që të njoftojë për rezultatin përfundimtar në pajtim me nenin 39.1. të këtyre Propozicioneve;

40.8.5. Nëpërmjet përfaqësuesit zyrtar duhet të sigurojë deklaratat për personat e paraqitur apo të përjashtuar nga loja, të cekë momentet dhe rastet kontestuese për sjellje jo sportive dhe të njëjtat t'i nënshkruan dhe më së voni 30 minuta pas përfundimit të ndeshjes dhe t'ia dorëzojë vëzhguesit. Në raste të kështilla deklarata merret edhe nga gjyqtarët, e sipas nevojës edhe nga personat tjerë zyrtarë dhe anëtarët e ekipeve.

40.9. Në afat prej 48 orëve, Vëzhguesi i ndeshjes është i obliguar t'i dorëzojë (dërgojë) në FBK këto dokumente:

40.9.1. Protokollin origjinal dhe Raportin e Vëzhguesit;

40.9.2. Fletëparaqitjet e lojtarëve dhe personave zyrtarë të dy ekipeve të paraqitur për ndeshje;

40.9.3. Në të gjitha garat ku është obligative mbajtja e statistikave.

40.9.4. Raportet plotësuese nëse nuk ka mjaft hapësirë në formularin e Raportit të vëzhguesit, apo vërejtjet plotësuese të perceptuara pas kompletimit të Raportit.

40.10. Në rast ankese, Vëzhguesi është i obliguar t'i dërgojë në FBK, më së voni 1 (një) orë pas përfundimit të ndeshjes të skanuara në emali apo më së voni 24 orë pas ndeshjes t'i dorëzojë në origjinal këto dokumente:

40.10.1. Ankesën në formë shkrimi;

40.10.2. Deklaratat e personave zyrtarë për ngjarjen kontestuese;

40.10.3. Protokollin e ndeshjes;

40.10.4. Raportin e Vëzhguesit.

40.11. Vëzhguesi është i obliguar të arrijë në palestrën ku do të zhvillohet ndeshja një (1) orë para fillimit të ndeshjes.

40.12. Vëzhguesve iu ndalohet komentimi i të gjitha detajeve në lidhje me ndeshjen e zhvilluar dhe me detajet e cekura në raportin e vëzhguesit.

40.13. Pas përfundimit të ndeshjes, gjyqtarët dhe gjyqtarët ndihmës mund ta braktisin fushën e lojës vetëm pas lejit të vëzhguesit të ndeshjes.

40.14. Për përgjegjësinë disiplinore të vëzhguesit vendos Komisioni i Garave dhe Bordi i FBK-së në raste të veçanta.

40.15. Vëzhguesi, menjëherë pas përfundimit të ndeshjes (ndeshjet e Superligës) është i obliguar që Komesarit të Garave t'ia dërgojë Raportin e Vëzhguesit me anë të postës elektronike.

NENI 41 - GJYQTARËT



41.1. Gjyqtarët në ndeshje janë të obliguar të paraqiten me veshje formale dhe konform kodeksit të veshjes. Listën e gjyqtarëve për ndarjen e drejtësisë në ndeshje e miraton Bordi i FBK-së. Vetëm gjyqtarët e SHGJFBK-së të cilët i janë nënshtruar testimeve fizike dhe nga njohja e rregullave të basketbollit kanë të drejtën e ndarjes së drejtësisë në të gjitha garat të cilat organizohen nga FBK.

41.2. Delegimin e gjyqtarëve e bënë Komisioni për Nominimin e Personave Zyrtarë në bazë të listës së aprovuar nga Bordi i FBK-së.

41.3. Klubet nuk mund të kërkojnë përjashtimin e gjyqtarëve dhe vëzhguesve nga lista e aprovuar nga Bordi i FBK-së, apo nga ndeshja në të cilën është deleguar.

41.4. Gjyqtari i parë 20 minuta para fillimit të ndeshjes, gjegjësisht me paraqitjen në fushën e lojës në palestër duhet të ndajë topin e lojës me të cilin do të zhvillohet ndeshja.

41.5. Gjyqtari i parë është përgjegjës për marrjen e masave dhe sanksionimin për anim jospativ, ofendime racore, sjelljet e shikuesve dhe është i obliguar në rastet e cekura të marr masat adekuate:

- Vërejtja e parë me anë të zërimit (pas hedhjeve, cenimit të terrenit, ofendimeve racore ose etnike, etj.);
- Dhënia e vërejtjes së dytë shikuesve përmes trajnerit kryesor apo kapitenit të ekipit, përndryshe pjesa tjetër largohet në teshatore për 5min;
- Largimin e një apo më shumë individëve nga palestra;
- Zbrazjen e një pjese të shikuesve;
- Zbrazjen e palestrës;
- Ndërprerjen e ndeshjes.

41.6. Gjyqtarët janë plotësisht të pavarur për marrjen e vendimeve dhe janë të obliguar që me çdo kusht, nëse ekzistojnë kushtet normale, ta sjellin ndeshjen gjerë në përfundim të saj. Nëse gjyqtari është lënduar apo për ndonjë arsye tjetër nuk mund të vazhdojë të kryejë detyrën e tij në kohë prej 5 minutave nga situata e krijuar, ndeshja do të vazhdojë. Gjyqtarët tjerë vazhdojnë gjykimin për kohën e mbetur, përveç nëse ka mundësi zëvendësimi i gjyqtarit me një gjyqtar të kualifikuar. Gjyqtarët e mbetur vendosin për zëvendësimin e gjyqtarit pas konsultimeve me vëzhguesin e ndeshjes nëse ai është prezent në ndeshje.

41.7. Gjyqtari i parë posaçërisht është përgjegjës për fushëveprimin e tij, të përcaktuar me rregullat zyrtare të lojës. Gjyqtari i parë është përgjegjës mes tjerash për:

41.7.1. Sjelljen e lojtarëve dhe personave zyrtarë që janë të ulur në bankinë;

41.7.2. Të vendosur për ndërprerjen e ndeshjes dhe për zbrazjen e pjesërishme apo të tërësishme të shikuesve, për anim jo sportiv dhe vulgarë, sharje në kor apo ofendime racore e kombëtare drejtuar ndonjërit prej ekipeve, gjyqtarëve, personave zyrtarë dhe punëtorëve tjerë të basketbollit, si dhe pështymja apo hedhja/spërkatja me lëngje dhe hedhja e gjësendeve të forta në fushë, me të cilën rrezikohet siguria e pjesëmarrësve në ndeshje (pas vërejtjes së parë të dhënë me anë të zërimit zyrtar).

41.7.3. Gjyqtari i parë në rastin e zbrazjes së pjesërishme apo të tërësishme të shikuesve, vë në dispozicion të organizatorit kohën për të reaguar për përmirësimin

e situatës (15 minuta) dhe nëse gjatë kohës së dhënë nuk ofrohen kushte për vazhdimin e ndeshjes, ndeshja do pezullohet dhe do të zhvillohet brenda 24 orëve pa prezencën e shikuesve, prej kohës dhe rezultatit në momentin e ndërprerjes së ndeshjes, në pajtim me nenin 19.3. të këtyre Propozicioneve.

41.7.4. Në rast të cenimit të fushës së lojës nga individë të paautorizuar, apo përdorimit të pajisjeve piroteknike, mjeteve të forta ose objekteve tjera që rrezikojnë pjesëmarrësit e ndeshjes, Gjyqtari i Parë në konsultim me vëzhguesin ka të drejtë të ndërpresë ndeshjen pa tërhequr vërejtjen paraprakisht dhe të bëjë zbrazjen e plotë apo pjesërisht të palestrës.

41.7.5. Vendosë për ndërprerjen e ndeshjes dhe për zbrazjen e pjesërisht apo të tërësishme të palestrës në rast të incidenteve në fushë dhe jashtë saj. Në këto raste, gjyqtarët janë të obliguar që ndeshjen ta vazhdojnë me zbrazjen e pjesërisht apo të tërësishme (totale) të palestrës, e nëse nuk ekzistojnë kushtet për vazhdimin e saj, ndeshja do të zhvillohet brenda 24 orëve pa prezencën e shikuesve prej kohës dhe rezultatit në momentin e ndërprerjes së ndeshjes. Shpenzimet e ekipit dhe personave zyrtarë për vazhdimin e ndeshjes në këto rrethana do t'i bartë ekipi e cila është faktor për ndërprerjen e ndeshjes.

41.7.6. Me realizimin e sulmit fizik ndaj personave zyrtarë (lojtarëve apo personave zyrtarë të ekipeve, gjyqtarëve, vëzhguesit, zyrtarëve të FBK apo personave të deleguar nga FBK) nga shikuesit ose me shkaktimin e lëndimit të rëndë nga gjësendet e hedhura të cilat lëndojnë personat zyrtarë, lojtarin, trajnerin ose ndonjërin nga anëtarët e ekipit, ndeshja ndërpritet menjëherë, pa vazhdim, me vendimin e marrë nga Gjyqtari i Parë. Ekipi përgjegjës për ndërprerjen e ndeshjes humb ndeshjen me rezultat zyrtar dhe nuk i takon asnjë pikë në tabelën e klasifikimit.

41.8. Për të gjitha rastet e cenimit të terrenit ose sigurisë së pjesëmarrësve të ndeshjes, përfshirë lojtarët, gjyqtarët, vëzhguesit, zyrtarët tjerë të deleguar apo personat zyrtarë të klubeve pjesëmarrëse; shfaqjes së animit të dhunshëm, fyes ose ofendues; krijimit të rrethanave të pasigurta për pjesëmarrësit e ndeshjes apo spektatorët; ndezjes apo shfrytëzimit të mjeteve piroteknike apo penguese të çfarëdo forme që vështirësojnë apo pamundësojnë zhvillimin e ndeshjes, gjyqtari kryesor mund të vendosë:

41.8.1. Të japë vërejtjen e parë për qetësim të situatës, përmes sistemit të zëritit publik;

41.8.2. Të japë vërejtjen e fundit dhe të tërhiqet në teshatore për një periudhë 15-minutëshe për të pritur krijimin e kushteve për vazhdim të ndeshjes, apo për të zbrazur spektatorët dhe të gjithë personat jozyrtarë nga palestra me qëllim të krijimit të kushteve për vazhdimin e ndeshjes; ose

41.8.3. Të ndërpresë ndeshjen, në të gjitha rastet kur sipas vlerësimit të gjyqtarit të parë, pas konsultimit me vëzhguesin dhe/ose personat përgjegjës për siguri, nuk ekzistojnë dhe nuk mund të krijohen kushtet për të vazhduar ndeshjen brenda afatit 15-minutësh, si dhe në të gjitha rastet kur është cenuar terreni dhe/ose sulmuar apo lënduar cilido aktër i ndeshjes (lojtar, trajner, zyrtar i klubit, gjyqtar, vëzhgues, zyrtar i FBK apo i FIBA, apo persona zyrtarë tjerë).



41.9. Gjyqtarët janë të obliguar të arrijnë në palestër ku do të zhvillohet ndeshja një orë para fillimit të saj, e 20 minuta para fillimit, të dalin në fushë në veshje të gjyqtarëve, matësi i kohës e lëshon orën për matjen e kohës.

41.10. Nuk lejohej që gjyqtarët të kenë veshje (uniformë) të ndryshme gjatë ndeshjes.

41.11. Gjyqtarët janë të obliguar që t'i zbatojnë në tërësi rregullat e lojës dhe Interpretimin e tyre nga ana e FIBA-s, si dhe mos të lejojnë shkeljen e dispozitave të këtyre Propozicioneve dhe akteve tjera normative të FBK-së.

41.12. Gjyqtarët duhet të kenë kujdes në pajtim me rregullat që:

41.12.1. Fanellat e lojtarëve të jenë të njëjta;

41.12.2. Të mos lejohej inkudrimi në fushë i lojtarit që nuk është i veshur si lojtarët tjerë të ekipit;

41.12.3. Të ketë rregullsi në fushë dhe punën e tavolinës zyrtare;

41.12.4. Sjelljet e të gjithë personave në bankinat e të dy ekipeve të jenë të përshtatshme dhe në pajtim me rregullat e lojës.

41.13. Gjyqtari, i cili ka marr vendim për përjashtimin e lojtarit, trajnerit, personit zyrtar, apo ka paraqitur ndonjërin nga personat e cekur në fletë paraqitje, duhet ta lajmërojë (njoftojë) vëzhguesin me arsyet e vendimit të marrë apo paraqitjes me shkrim.

41.14. Gjyqtarët janë të obliguar që në ftesë të vëzhguesit, t'i përshkruajnë të gjitha momentet (rastet) kontestuese të cilat kanë ndodhë në ndeshje, që të përshkruajnë arsyet për gabimet e dhëna teknike dhe përjashtimet (diskualifikimet) e lojtarëve, trajnerëve dhe përfaqësuesve zyrtar, si dhe vendimet tjera të rëndësishme të cilat nuk kanë të bëjnë me rrjedhën e ndeshjes (zbrazja e pjesërishme apo e tërësishme e shikuesve, etj.).

41.15. Gjyqtarët dhe vëzhguesi nuk guxojnë të udhëtojnë në ndeshje me mjetin transportues (automobilin, autobusin etj.) të ekipit e cila gjykohej nga ta.

41.16. Komisioni i Garave, pas konsultimit me Instruktorin Nacional, i fton në përgjegjësi dhe i ndëshkon (përmes Informatorëve) në shkallë të parë gjyqtarët të cilët nuk i respektojnë dispozitat e rregullave të basketbollit, dhe nuk e kryejnë detyrën e tyre sipas këtyre Propozicioneve.

41.17. Komisioni i Garave, në shkallë të parë i ndëshkon gjyqtarët të cilët bëjnë shkeljen e Rregullave të Lojës.

41.18. Gjyqtarëve iu ndalohet komentimi i të gjitha detajeve lidhur me ndeshjen e zhvilluar dhe me detajet e cekura në raportin e ndeshjes.

41.19. Pas përfundimit të ndeshjes, gjyqtarët mund ta braktisin fushën vetëm me lejin e vëzhguesit.

41.20. Pas përfundimit të ndeshjes, gjyqtarët e nominuar në ndeshjet e Superligës janë të obliguar që brenda 48 orëve të dërgojnë formën e evaluimit nga ndeshja e nominuar, kurse brenda 24 orëve gjatë ndeshjeve të play off-it.



NENI 42 - GJYQTARËT NDIHMËS

42.1. Gjyqtarët ndihmës në ndeshje i cakton ekipi vendës, nga mesi i personave të kualifikuar dhe licencuar (sipas rastit) për kryerjen e punëve në tavolinën zyrtare.

42.2. Gjyqtarët ndihmës duhet të jenë të veshur në mënyrë uniforme, me rroba me ngjyrë të njëjtë.

42.3. Gjyqtarët ndihmës të cilët nuk i respektojnë dispozitat e Rregullave të basketbollit dhe detyrën e tyre nuk e kryejnë sipas këtyre Propozicioneve, do të ftohen në përgjegjësi disiplinore dhe do të ndëshkohen nga Komisioni i Garave.

42.4. Vëzhguesi i ndeshjes ka të drejtë të përjashtojë nga tavolina zyrtare gjyqtarët të cilët nuk i respektojnë dispozitat e rregullave të basketbollit dhe detyrën e tyre nuk e kryejnë sipas këtyre Propozicioneve. Në këtë rast klubi ka 30 minuta kohë që të gjejë zëvendësimin për gjyqtarin ndihmës të përjashtuar.

42.5. Pas përfundimit të ndeshjes, gjyqtarët ndihmës mund ta braktisin fushën vetëm me lejin e vëzhguesit.

NENI 43 - TAKSA DHE SHPENZIMET E UDHËTIMIT

43.1. Gjyqtarëve, vëzhguesve dhe kontrollorëve iu takojnë taksat dhe shpenzimet e udhëtimit.

43.2. Gjyqtarëve, vëzhguesve dhe kontrollorëve të cilët e kryejnë detyrën e tyre në ndeshjen e cila zhvillohet në qytetin e tyre, iu takon vetëm taksa.

43.3. Gjyqtarët ndihmës ose zëvendësuesit e tyre eventual të cilët i cakton skuadra vendase, njëherësh e bënë edhe pagesën e taksës së tyre.

43.4. Lartësinë e taksës dhe shpenzimeve të udhëtimit e përcakton Bordi i FBK-së me vendim.

ANKESA NË NDESHJE

NENI 44 - ANKESA NË NDESHJE

44.1. Konform Rregullave Zyrtare të lojës së basketbollit, ankesë mund të paraqes ekipi i cili mendon se është dëmtuar nga:

44.1.1. një gabim në udhëheqjen e procesverbalit të ndeshjes (DSS), matjes së kohës ose matjes së kohës së sulmit, të cilin gjyqtarët ishin të autorizuar ta korrigjonin sipas rregullave zyrtare të basketbollit dhe kishin qasje në prova të verifikueshme në momentin e marrjes së vendimit për ta korrigjuar gabimin, por nuk e bënë këtë;

44.1.2. një vendim për të humbur ndeshjen e pa-zhvilluar, për të anuluar, për të shtyrë, për të mos rifilluar ose për të mos luajtur ndeshjen;



44.1.3. paraqitja e lojtarit i cili nuk është regjistruar sipas Rregullores mbi regjistrimin e lojtarëve, apo me paraqitjen e lojtarit të dënuar.

44.2. Ankesa nuk mund të parashtrohet ndaj vendimeve faktike (kriterit) të gjyqtarëve.

44.3. Ankesa në ndeshje paraqitet si në vijim:

44.3.1. Kapiteni i skuadrës duhet të nënshkruhet menjëherë në vendin e caktuar në Procesverbalin e ndeshjes (DSS), më së voni 15 minuta pas përfundimit të ndeshjes.

44.3.2. Tia dorëzojë vëzhguesit me shkrim sqarimet e ankesës më së voni 1 orë pas përfundimit të ndeshjes. Pastaj, personat zyrtarë të ndeshjes (gjyqtarët dhe vëzhguesi), secili veç e veç, duhet të japin mendimin me shkrim në lidhje me ankesën, e në rast të kërkesës me shkrim të Komisionit të Garave, edhe raportin plotësues dhe prova mbi bazën e të cilave Komisioni do të marrë vendim më lehtë.

44.3.3. Klubi duhet të bëjë deponimin e shumës në lartësi prej 500,00€ në llogarinë e FBK-së më së voni në ditën e parë të punës pas përfundimit të ndeshjes.

44.3.4. Klubi mundet, por nuk është i obliguar, të dorëzojë plotësimet apo detajet e ankesës më së voni ditën e parë të punës pas përfundimit të ndeshjes.

44.4. Ankesa, e cila nuk është lajmëruar me nënshkrimin e kapitenit të ekipit, nuk i është dhënë me kohë vëzhguesit të ndeshjes dhe për të cilën nuk është bërë deponimi i shumës në afatin e caktuar, do të refuzohet dhe nuk do të merret parasysh.

44.5. Për përcaktimin e kohës së të deponimit të shumës për ankesë do të merret parasysh fletëpagesa postare apo bankare.

44.6. Komisioni i Garave mund të marrë vendim për miratimin e ankesës apo refuzimin e saj.

44.7. Nëse ankesa miratohet, Komisioni i Garave mund të urdhërojë zhvillimin e serishëm të ndeshjes apo do të regjistrojë me rezultat zyrtar nëse për këtë plotësohen kushtet e përcaktuara me këto propozicione, Rregulloren e Garave dhe Rregullat Zyrtare të Basketbollit. Në rast se ankesa e parashtruar miratohet nga ana e Komisionit të Garave, bëhet kthimi i mjeteve të deponuara në shumë prej 500,00€.

44.8. Nëse ankesa refuzohet, Komisioni i Garave do të regjistrojë ndeshjen me rezultatin e arritur.

44.9. Vendimin për ankesën e ndeshjes, Komisioni i Garave duhet ta marrë më së voni 72 orë pas përfundimit të ndeshjes.

44.10. Në ndeshjet e play-offit, turnetë finale apo në ritëm të zhvillimit të ndeshjeve që kërkon reagim të shpejtë, Komisioni i Garave vendimet duhet t'i sjellë në afat prej 24 orëve pas përfundimit të ndeshjeve, e me këtë duhet të dorëzohen të gjitha dokumentet e nevojshme (ankesa, deklaratat e akterëve, personave zyrtarë, etj.) Komisionit të Garave para afatit të përcaktuar këtu.

44.11. Nëse gjatë ndeshjes ka ndodhur shkelje e rëndë materiale të cilat kanë pasur ndikim të drejtpërdrejtë në rezultatin përfundimtar të ndeshjes dhe si rezultat i këtyre



shkeljeve materiale rezultati i arritur nuk është sipas konkurrencës sportive, Komisioni i Garave do ta aprovojë ankesën dhe do të kërkojë zhvillimin e ndeshjes së re, kurse skuadrës e cila ka paraqitur ankesë mjetet e deponuara për ankesë do t'i kthehen. Këtu nuk do të merret parasysh kriteri i gjyqtarëve gjatë ndeshjes sipas ndarjes së dënimeve, shkeljeve dhe performancës së tyre. Për shkak të paraqitjes objektive të fakteve rreth procedurës së ankimit, Komisioni i Garave mund të kërkojë nga SHGJFBK, një instruktor i gjyqtarëve i FIBA apo nga një komision i caktuar vlerësimin mendimin profesional (ekspertizën e gjykimit), në afat prej 48 orësh pas përfundimit të ndeshjes).

NENI 45 - ANKESA NË VENDIMIN E KOMISIONIT TË GARAVE

45.1. Në vendimin e Komisionit të Garave mbi të cilin lejohet ankesa, ajo i drejtohet Komisionit të Ankesave dhe Arbitrazhit të FBK-së (si organ i shkallës së dytë) dhe dorëzohet më së voni 24 orë pas pranimit të vendimit përmes postës elektronike.

45.2. Për ankesë, paraqitësi i ankesës duhet të deponojë në llogarinë e FBK-së shumën prej 500.00 €.

45.3. Ankesa e cila nuk është dorëzuar me kohë tek Komisioni i Ankesave dhe i Arbitrazhit, apo për të cilën nuk është deponuar shuma e caktuar refuzohet dhe nuk do të shqyrtohet.

45.4. Komisioni i Ankesave dhe i Arbitrazhit vendimin e merr në afat prej 48 orësh nga pranimi i Ankesës. Vendimi është përfundimtar dhe pa të drejtë ankese.

45.5. Në vendimin e Komisionit të Ankesave dhe të Arbitrazhit, pala e pakënaqur gëzon të drejtën e parashtimit të kërkesës për mbrojtjen e ligjshmërisë para Bordit të FBK-së, por vetëm në rastin kur mendon se vendimi ka bërë shkelje materiale të akteve normative të FBK-së.

45.6. Gjatë play-off-it, garave të sistemit të kupës apo kurdo që ritmi garues këtë e dikton, pas ankesës së dorëzuar të ekipit, në ftesë të Sekretarit të Përgjithshëm, Komisioni i Ankesave dhe i Arbitrazhit mbledhet dhe menjëherë merr vendim për ankesën e dorëzuar.

45.7. Nëse ankesa aprovohet, shuma e deponuar do t'i kthehet paraqitësit të ankesës.

45.8. Ankesat në vendimin e Komisionit të Garave në ndeshjet finale paraqiten dhe shumat deponohen njësoj sikur te pjesa e rregullt e garave.

45.9. Komisioni i Garave vendimet e veta i shpall nëpërmjet postës elektronike dhe në ueb-faqe të FBK-së.

45.10. Në këto vendime paraqitësi i ankesës ka të drejtë ankese në afat prej 24 orëve nga pranimi i vendimit, apo dita e publikimit në ueb-faqen e FBK-së.

45.11. Ankesa në ndeshjet e play-off paraqitet me anë të postës elektronike, apo dorëzohet me shkrim në afat i cili nuk pengon zhvillimin e rregullt të garave.

45.12. Vendimi i Komisionit të Ankesave dhe i Arbitrazhit i dërgohet klubeve të garës përkatëse me anë të postës elektronike dhe publikohet në ueb-faqen e FBK-së. Vendimi



nënkuptohet i shpallur në momentin kur i është dërguar klubit apo është publikuar në ueb-faqen e FBK-së.

NENI 46 - REGJISTRIMI I NDESHJEVE

46.1. Komisioni i Garave bën regjistrimin e ndeshjeve përmes Informatorëve dhe në bazë të raporteve të pranuar nga vëzhguesit e ndeshjeve dhe konform akteve normative të FBK-së.

46.2. Të gjitha ndeshjet për të cilat ekzistojnë ankesat apo rastet tjera të cilat nuk lejojnë regjistrimin e ndeshjes, Komisioni i Garave është i obliguar që t'i regjistrojë në afatin sa më të shkurtër, më së voni 7 ditë pas përfundimit të xhiros apo të ndeshjes.

46.3. Në rast kur është paraqitur ankesa apo ekzistojnë raste të tjera për të cilat ndeshja nuk mund të jetë e regjistruar, afati i regjistrimit shtyhet (pezullohet) deri në ditën e marrjes së vendimit, gjegjësisht deri në marrjen e vendimit për zgjedhjen e rastit për të cilin ndeshja nuk është regjistruar.

46.4. Të gjitha ndeshjet për të cilat nuk ka ankesa apo raste të tjera të cilat nuk lejojnë regjistrimin e ndeshjes, Komisioni i Garave është i obliguar që t'i regjistrojë 48 orë pas përfundimit të ndeshjeve.

46.5. Njëherë ndeshja e regjistruar apo vendimi i marrë nuk mund të anulohet nga ana e organit të njëjtë.

46.6. Të gjitha vendimet, ankesat, si dhe të gjitha dorëzimet dhe njoftimet konsiderohen të dërguara ose të pranuar dhe të dorëzuara në mënyrë të duhur në numrin ose adresën e postës elektronike, të cilën klubi e cakton për komunikim para fillimit të edicionit.

NENI 47 - MËNYRA E NDARJES SË PIKËVE, PËRCAKTIMI I PLASMANIT

47.1. Mënyra e ndarjes së pikëve dhe përcaktimi i plasmanit të ekipeve në sistemin e garave bëhet në bazë të dispozitave të Rregullave Zyrtare të Basketbollit dhe shtojcës përkatëse.

47.2. Mënyra e përcaktimit të plasmanit të ekipeve do të zbatohet në pjesën e parë të edicionit pas zhvillimit të të gjitha ndeshjeve, dhe pas përfundimit të edicionit të rregullt garues.

47.3. Në përputhje me suksesin në garën e caktuar, ekipet kalojnë prej një rangu në rangun tjetër. Në rast që klubi i një rangu të caktuar heq dorë nga garat para fillimit të kampionatit, apo vjen deri te zgjerimi i Ligës, për mënyrën e plotësimit eventual vendos Bordi i FBK-së.

47.4. Skuadra e cila në fund të sezonit kalon në nivel më të ulët, në sezonin e ardhshëm nuk mund të kthehet, gjegjësisht të garojë në nivelin e njëjtë të garave. Përrashtim nga ky rast bëhet nëse ekipet nga rangu më i ulët nuk i plotësojnë kushtet e garimit për nivel më të lartë, ose përcaktohen kushte për Wild Card nga Bordi i FBK-së. Ekipi i cili është përjashtuar nga garat para fillimit apo gjatë sezonit të garave, nuk mund në sezonin e ardhshëm të



kthehet dhe të garojë në nivelin e njëjtë, përveç nëse përcaktohen kushte për Wild Card nga Bordi i FBK-së.

47.5. Ekipit kampion të Superligës (meshkuj/femra) dhe fituesit të Kupës së Kosovës u takon shpërblimi financiar vlerën e së cilit e cakton Bordi i FBK-së para fillimit të edicionit. Bordi i FBK-së para fillimit të edicionit mund të vendosë edhe për shpërblime ose fonde të shpërblimeve që përfshijnë edhe klubet ose ligat tjera.

DISPOZITAT FINANCIARE

NENI 48 - PAGESAT DHE SANKSIONET PËR SHKELJE

48.1. Klubet janë të obliguara që detyrimet e tyre financiare për dënimet e shqiptuara në ndeshjet e rregullta të edicionit garues t'i paguajnë deri para fillimit të ndeshjes vijuese të tyre në cilëndo garë të organizuar nga FBK.

48.2. Klubet janë përgjegjëse për të gjitha obligimet financiare të shqiptuara pjesëtarëve të vet (lojtarët, trajnerët, zyrtarët, etj.).

48.3. Pagesa e dënimeve dhe obligimeve tjera materiale, bëhet nëpërmjet transferit bankar në xhirollogarinë zyrtare të FBK-së dhe dëshmohet me parashtrimin e kopjeve të skanuara të transferit bankar të lëshuar zyrtarisht nga banka në të cilën është kryer transferi. Asnjë formë tjetër e pagesës apo dëshmimit të pagesës nuk është e lejuar, ndërsa çfarëdo mashtrimi i mundshëm në kuptim të zbatimit të këtij paragrafi do të rezultojë me suspendim dhe masa disiplinore të menjëhershme për klubin dhe personat përgjegjës të tij.

48.4. Mos-pagesa e obligimeve financiare brenda afateve të caktuara në këtë nen do të rezultojë me suspendim të përkohshëm të klubit që ka dështuar në përmbushjen e detyrimeve të veta financiare të pagesës, dhe/ose të pjesëtarit të klubit që ka dështuar në përmbushjen e detyrimeve të veta të pagesës. Gjatë kohës së suspendimit klubi dhe/ose pjesëtarit i tij, nuk ka të drejtë paraqitjeje në asnjë aktivitet apo garë të organizuar nga FBK.

48.5. Në rastet kur klubi ka dështuar në përmbushjen e obligimeve të veta financiare, Komesari i Garave do ta njoftojë ekipin kundërshtar të klubit që të mos udhëtojë për ndeshje në rastet kur klubi i pezulluar është vendas, respektivisht që të mos organizojë ndeshjen në rastet kur klubi i pezulluar është mysafir. Komesari i Garave njofton Komisionin e Garave, si dhe të gjithë zyrtarët e nominuar në ndeshje, ekipet televizive dhe mediat e akredituara për mos-zhvillimin e ndeshjes. Klubi i pezulluar humbë ndeshjen me rezultat zyrtar 20:0 dhe nuk merr pikë për këtë ndeshje, sipas rregullave të lojës.

48.6. Në rast se dy ekipe nuk i kanë përmbushur obligimet financiare dhe të njëjtat duhet të zhvillojnë ndeshjen në mes veti, do të suspendohen deri në përmbushjen e obligimeve, ndeshja do të regjistrohet me rezultat 2:0 kundër të dy ekipeve dhe nuk do të marrin një (1) pikë të paraparë për humbje.



48.7. Suspendimi konsiderohet i tejkaluar me automatizëm pas kryerjes së pagesës sipas këtij neni, ndërsa ekipi dhe/ose pjesëtari përkatës i tij rifiton të drejtën e pjesëmarrjes në gara sipas këtyre Propozicioneve.

NENI 49 - ANKESA NË VENDIMIN E SUSPENDIMIT TË KLUBIT

49.1. Kundër vendimit të Komisionit të Garave për suspendimin e klubit për shkak të mos pagesës së obligimeve sipas nenit 48 më sipër, klubi ka të drejtë ankese në Komisionin e Ankesave dhe të Arbitrazhit të FBK-së në afat prej 24 orëve nga marrja e vendimit, duke iu përmbajtur detyrimeve për paraqitje të ankesave në Komisionin e Ankesave dhe të Arbitrazhit. Ankesa nuk e shtyn zbatimin e vendimit.

49.2. Komisioni i Ankesave dhe i Arbitrazhit bën shqyrtimin e ankesës në vendimin për suspendim e ekipit në afat prej 48 orësh pas marrjes së ankesës. Vendimi i Komisionit të Ankesave dhe të Arbitrazhit është përfundimtar.

SHKELJET DHE DËNIMET

NENI 50 - SHKELJET DHE DËNIMET PËR ORGANIZIM TË DOBËT TË NDESHJES

Nr.	Përshkrimi i shkeljes	SL	SLF/L1	L1F/L2
A. NORMAT TEKNIKE				
50.1.	Paraqitja me vonesë e ndeshjes	100€	50€	30€
50.2.	Ndërrimi i terminit 48 orë para ndeshjes	100€	50€	30€
50.3.	Mos-caktimi i personit zyrtar pritës i ekipit mysafir	100€	40€	30€
50.4.	Mungesa e mjekut kujdestar/fizioterapeutit të licencuar	500€	50€	40€
50.5.	Mungesa/pamjaftueshmëria e pjesëtarëve të PK-së dhe sigurimit gjatë ndeshjes	500€	100€	50€
50.6.	Shërbimi i dobët i kujdestarisë	500€	200€	80€
50.7.	Mungesa e personit dhe pajisjes për pastrimin e fushës	100€	40€	30€
50.8.	Mosigurimi i teshatoreve për skuadrën mysafire dhe gjyqtarët	200€	50€	40€



50.9.	Organizimi i dobët i tavolinës zyrtare (mungesa e 1 kohëmatësi, 1 operatori të 24-shit, dhe 1 operatori DSS)	200€	100€	80€
50.10.	Mos-udhëheqja digjitale e procesverbalit DSS	100€	50€	-
50.11.	Pengimi i punës së zyrtarëve, vëzhguesit dhe gjyqtarëve para, gjatë dhe pas ndeshjes	400€	150€	100€
50.12.	Mos-vendosja e flamurit shtetëror dhe/apo mos-intonimi i himnit shtetëror	500€	100€	50€
50.13.	Mossigurimi i ftesave për FBK dhe/apo ekipin mysafir	500€	200€	100€
50.14.	Mossigurimi i topave për ekipin mysafir dhe mossigurimi i topit zyrtar për ndeshje	200€	100€	100€
50.15.	Mosparaqitja e logove të miratuara nga FBK në fanellat e lojtarëve, përfshirë këtu flamurin e Republikës së Kosovës	400€	50€	50€
50.16.	Mungesa e aparateve teknike dhe ndihmëse/aparatet jofunksionale	500€	50€	50€
50.17.	Mungesa apo mosfunksionimi i ndriçimit LED në konstruksion të koshit	400€	-	-
50.18.	Organizimi i përgjithshëm i dobët sipas konstatimit të vëzhguesit	500€	200€	50€
50.19.	Mos-paraqitja e MAP-it të vëzhguesit i ndeshjes me fotot dhe të dhënat e lojtarëve 45 min para ndeshjes, ose mos-paraqitja e listës paraqitëse	100€	50€	20€
50.20.	Mos-njoftimi i paraqitjes së 4 lojtarëve të huaj 12 orë para fillimit të ndeshjes ose ndryshimi i listës së pesë lojtarëve të huaj	200€	-	-
50.21.	Ndriçimi i pamjaftueshëm në palestër gjatë ndeshjes	400€	100€	50€
50.22.	Mosrespektimi i detyrimit për xhirim të ndeshjes, sipas formatit të kërkuar	-	100€	50€
50.23.	Mossigurimi i lokalit dhe kompjuterit për përpilim të raportit të ndeshjes	200€	100€	50€
50.24.	Mossigurimi i dhomës së përshtatshme për kontrollë të dopingut	100€	50€	30€
50.25.	Mosfunksionimi/largimi i sistemit të zërimit gjatë ndeshjes, pas kërkesës së vëzhguesit për dhënie të vërejtjes shikuesve për sjellje jospportive	1000€	200€	50€
50.26.	Mosfunksionimi i internetit, mos-sigurimi i printerit (për printimin e statistikave live) në palestër gjatë ndeshjes apo mos-sigurimi i monitorit të veçantë për IRS	500€	100€	50€
B. APARATURA E ZËRIMIT, INSTRUMENTET MUZIKORE				
50.27.	Mungesa e zërimit për nevoja zyrtare (për prezantimin e ekipeve, personave zyrtarë dhe vërejtja me anë të speakerit zyrtar)	300€	200€	-



50.28.	Lëshimi i muzikës në sallë nëpërmjet të aparaturës së zërimit gjatë kohës së ndeshjes (koha dhe topi i gjallë)	200€	100€	50€
50.29.	Hyrja në fushë e maskotës së klubit gjatë kohës së lojës apo gjatë ndërprerjeve të shkurta pa lejen e gjyqtarëve	200€	100€	50€
50.30.	Përdorimi i zërimit për nxitjen e shikuesve për anim, marketing politik	500€	200€	
50.31.	Përdorimi/lëshimi i muzikës ose përdorimi i mikrofonit me qëllim nxitjen e ofendimeve në kor para, pas dhe gjatë kohës së zhvillimit të ndeshjes	500€	200€	100€
50.32.	Përdorimi i sirenavë dhe mjeteve tjera të cilat bëjnë zhurmë me të cilat pengohet mbarëvajtja e ndeshjes	200€	100€	50€
C. MARKETINGU				
50.33.	Mosrespektimi i dispozitave të Rregullores së Marketingut të FBK	2.000€	500€	250€
50.34.	Mosshfrytëzimi i logos së ligës në fanella	1000€	250€	100€
50.35.	Mungesa pa arsye e lojtarëve, trajnerëve dhe zyrtarëve tjerë në aktivitetet promovuese të FBK	1 ndeshje	1 ndeshje	1 ndeshje

50.36. Dënimet për shkeljet e Propozicioneve sipas këtij neni dyfishohen **pas përsëritjes së tretë të tyre** nga klubi apo pjesëtari përkatës.

50.37. Shkeljet për organizim të dobët të ndeshjes janë shkelje mandatare të cilat sanksionohen nga Komisioni i Garave me automatizëm pas pranimit të raportit të vëzhguesit dhe mbi shkeljet e Propozicioneve sipas këtij neni **nuk lejohet ankesa**.

NENI 51 - SHKELJET DHE DËNIMET PËR SJELLJE TË SHIKUESVE

Nr.	Përshkrimi i shkeljes	SL	SLF/L1	L1F/L2
A. SJELLJE JOSPORTIVE				
51.1.	Thithja/konsumimi i duhanit apo substancave tjera gjatë ndeshjes	200€	100€	50€
51.2.	Pështymja e lojtarëve dhe personave zyrtarë nga ana e shikuesve	400€	200€	100€
51.3.	Hedhja e gjësendeve të buta në fushë të lojës, të cilat nuk mund të shkaktojnë lëndime	250€	100€	50€
51.4.	Hedhja e gjësendeve të forta në fushë të cilat mund të shkaktojnë lëndime të lehta (si: shkrepëset, monedhat, shishet e plastikës, etj.)	500€	200€	100€
51.5.	Hedhja e gjësendeve të forta të cilat mund të shkaktojnë lëndime të rënda (si: pjesë metalike, ulëset, etj.)	700€	300€	100€



51.6.	Animi dhe sjellja josportive apo sharja në kor e shikuesve ndaj ekipeve, gjyqtarëve, lojtarëve, personave zyrtarë të ekipeve, personave zyrtarë të ndeshjes, policisë, sigurimit, institucioneve, FBK, etj.	700€	150€	100€
51.7.	Shpërfaqja dhe vendosja e pamfleteve me ofendime nacionale, diskriminuese, fetare dhe racore, ose që nxisin dhunë apo urrejtje.	2000€	1000€	500€
51.8.	Djegia e rekuizitave, shenjave identifikuese të shteteve, klubeve etj., ose të sendeve të tjera në objektin sportiv.	600€	200€	100€
51.9.	Fishkëllima gjatë intonimit të himneve përkatëse, dhe intonimi i thirrjeve, tingujve ose sloganëve me përmbajtje raciste ose të një natyre intolerante që nxisin dhunë apo urrejtje	700€	200€	100€
51.10.	Përdorimi i laserëve ose pajisjeve të ngjashme elektronike drejtuar lojtarëve apo personave të përfshirë në lojë ose e çdo objekti tjetër që mund të ndikojë në lojën e tyre	400€	100€	50€
51.11.	Hedhja/ndezja e mjeteve piroteknike në tribuna, në parket apo afërsi të tij	700€	100€	50€
51.12.	Sjellja agresive, fyerja, sharja e personave jozyrtarë ndaj personave zyrtarë të FBK	1000€	200€	50€
51.13.	Hyrja e personave jozyrtarë në fushë para, gjatë dhe pas ndeshjes, që shkakton ndërprerje të ndeshjes	1000€	1 ndeshje	1 ndeshje
51.14.	Hyrja e personave jozyrtarë apo zyrtarë të klubit në lokalet e zyrtarëve të ndeshjes apo ekipeve apo në hapësirat e parapara për ta	1000€	200€	50€
51.15.	Cenimi i fushës së lojës, hyrja në terren e personave të paautorizuar, ndërhyrja gjatë intervalit të ndeshjes, ndërhyrja para apo gjatë ceremonive hapëse dhe mbyllëse dhe veprime tjera të ngjashme që pamundësojnë ose pengojnë mbarëvajtjen e ndeshjes pa pasoja për pjesëmarrësit.	3000€	2000€	1000€
51.16.	Nëse ndonjë apo disa nga ngjarjet e lartpërmendura shkakton ndërprerje të përkohshme të ndeshjes e cila mund të vazhdohet, shqiptohet vetëm ky dënim	1000€	500€	300€
51.17.	Nëse ndonjë apo disa nga ngjarjet e lartpërmendura shkakton ndërprerje të ndeshjes e cila nuk mund të vazhdohet, shqiptohet vetëm ky dënim	2000€	700€	500€



B. TENTIMI DHE REALIZIMI I SULMIT FIZIK

51.18.	Tentimi i sulmit fizik ndaj lojtarëve, zyrtarëve të klubeve, gjyqtarëve, vëzhguesit apo personave zyrtarë nga persona jozyrtarë	1000€ dhe 1 ndeshje*	1 ndeshje*	1 ndeshje*
51.19.	Realizimi i sulmit fizik me lëndim të lehtë të lojtarëve, zyrtarëve të klubeve, gjyqtarëve, vëzhguesit apo personave zyrtarë nga persona jozyrtarë	1500€ dhe 3 ndeshje*	3 ndeshje*	3 ndeshje*
51.20.	Realizimi i sulmit fizik me lëndim të rëndë të lojtarëve, zyrtarëve të klubeve, gjyqtarëve, vëzhguesit apo personave zyrtarë nga persona jozyrtarë	10000€ dhe 5 ndeshje*	4000 € dhe 5 ndeshje*	2000 € dhe 5 ndeshje*
51.21.	Shkaktimi i lëndimeve të lehta ndaj lojtarëve, zyrtarëve, gjyqtarëve apo vëzhguesve nga hedhjet e gjësendeve në fushën e lojës	5000€	2000€ dhe 2 ndeshje*	1000€ dhe 2 ndeshje*
51.22.	Shkaktimi i lëndimeve të rënda ndaj lojtarëve, zyrtarëve, gjyqtarëve apo vëzhguesve nga hedhjet e gjësendeve në fushën e lojës	10000€	4000€ dhe 4 ndeshje*	2000€ dhe 2 ndeshje*
* ndeshje pa prezencën e shikuesve				

51.23. Shkeljet për sjellje jospportive të shikuesve (Pjesa A) janë shkelje mandatare të cilat sanksionohen nga Komisioni i Garave me automatizëm pas pranimit të raportit të vëzhguesit dhe mbi to **nuk lejohet ankesa.**

51.24. Shkeljet për tentim apo realizim të sulmit fizik (Pjesa B), nuk konsiderohen shkelje mandatare dhe mbi to **lejohet ankesa.**

51.25. Në rast kur nga shkeljet dhe sjelljet e listuara në këto Propozicione bëhet e pamundur zbrazja e palestrës dhe vazhdimi i ndeshjes gjatë pushimit prej 15min të paraparë për këtë qëllim, apo në rast të vlerësimit të gjyqtarit të parë lidhur me këtë, ndeshja do të vazhdohet pa prezencën e shikuesve brenda 24 orësh nga momenti i ndërprerjes, ndërsa ekipi që ka shkaktuar ndërprerjen do të dënohet konform nenit 50 dhe me gjobat e përcaktuara në nenin 19.3 të këtyre Propozicioneve për të mbuluar shpenzimet e udhëtimit të klubit tjetër, zyrtarëve të ndeshjes, ekipeve kompetente për realizimin televiziv dhe ofruesve të shërbimeve tjera.

51.26. Dënimet e shqiptuara sipas këtij neni në ndeshjet kampionale i bart organizatori i ndeshjes, ndërsa në ndeshjet e Superkupës dhe Kupës së Kosovës dënimet i bart klubi tifozët e të cilit kanë kryer shkeljet.

NENI 52 - SHKELJET DHE DËNIMET PËR PJESËTARËT E EKIPEVE

A. SJELLJA JOSPORTIVE DHE REAGIMI NDAJ KUNDËRSHTARËVE DHE ZYRTARËVE

Nr.	Përshkrimi i shkeljes	SL	SLF/L1	L1F/L2
52.1.	Gabimi teknik i lojtarit për sjellje jospportive	100€	30€	20€



52.2.	Gabimi teknik i lojtarit për inskenim (flopping)	50€	===	===
52.3.	Gabimi përjashtues i lojtarit, trajnerit, zyrtarit (përveç GT+GJS)	300€ dhe suspendim në ndeshjen e radhës	150€ dhe suspendim në ndeshjen e radhës	75€ dhe suspendim në ndeshjen e radhës
52.4.	Gabimi teknik i trajnerit për sjellje josportive	150€	30€	20€
52.5.	Komentimi apo kritikë ndaj vendimeve të gjyqtarëve nga lojtarët, trajnerët, zyrtarët e klub.	500€	200€	100€
52.6.	Përjashtimi i personave zyrtarë që nuk janë në listë paraqitëse	600€	300€	100€
52.7.	Nëse ekipi nuk paraqitet në përbërjen më të mirë (sipas nenit 13)	1000€	300€	100€
52.8.	Nëse ekipi paraqitet me më pak se 10 lojtarë në ndeshje	500€	150€	50€
52.9.	Nëse ndonjëri prej personave zyrtarë të paraqitet me veshje të papërshtatshme	100€	50€	20€
52.10.	Provokimi i shikuesve apo gjeste jo-sportive nga lojtari apo anëtar i klubit drejtuar shikuesve, anëtarëve të klubit tjetër, personave zyrtarë, me pasoja të mëdha (hedhje të gjësendeve apo zbrazje e palestrës).	400€ dhe 1 ndeshje	70€	50€
52.11.	Provokimi i shikuesve apo gjeste jo-sportive nga lojtari apo anëtar i klubit drejtuar shikuesve, anëtarëve të klubit tjetër, personave zyrtarë, pa pasoja.	400€		
52.12.	Sjellja josportive e konstatuar në bazë të fletëparaqitjes nga personat zyrtarë, transmetimi televiziv, xhirimet apo e shfaqur në prezencë të Komisarit të Garave, cilitdo anëtar të Komisionit të Garave, Sekretarit apo Kryetarit të FBK-së	200€ dhe 1 ndeshje	1 ndeshje	1 ndeshje
52.13.	Sjellja agresive, fyese apo ofenduese e konstatuar në bazë të fletëparaqitjes nga personat zyrtarë, transmetimi televiziv, xhirimet apo e shfaqur në prezencë të Komisarit të Garave, cilitdo anëtar të Komisionit të Garave, Sekretarit apo Kryetarit të FBK-së	1000€ dhe 3 ndeshje	300€ dhe 3 ndeshje	150€ dhe 3 ndeshje
B. PËRPJEKJA PËR REALIZIM DHE REALIZIMI I SULMIT FIZIK APO SHKAKTIMI I LËNDIMIT				
52.14.	Sjellja josportive, me përpjekje të sulmit fizik (përfshirë pështytjen) ndaj lojtarit kundërshtar,	1000€ dhe 1 ndeshje	300€ dhe 1 ndeshje	150€ dhe 1 ndeshje

	personit zyrtar të klubit apo personave zyrtarë para, gjatë dhe pas përfundimit të ndeshjes.			
52.15.	Pjesëmarrja në rrahje apo kacafytje e lojtarëve apo zyrtarëve të ekipeve kundërshtarë, pa përfshirje të personave të tretë, para, gjatë dhe pas përfundimit të ndeshjes.	1000 € dhe 1 ndeshje	300 € dhe 1 ndeshje	150 € dhe 1 ndeshje
52.16.	Nxitja apo iniciimi i rrahjes apo kacafytjes mes lojtarëve apo zyrtarëve të ekipeve kundërshtarë, pa përfshirje të personave të tretë, para, gjatë dhe pas përfundimit të ndeshjes.	2000 € dhe 3 ndeshje	600 € dhe 3 ndeshje	300 € dhe 3 ndeshje
52.17.	Pjesëmarrja apo realizimi i sulmit fizik ndaj lojtarëve, trajnerëve, zyrtarëve apo përfaqësuesve të ekipeve apo personave zyrtarë të deleguar në ndeshje apo personave zyrtarë të FBK pa pasoja fizike	2000€ dhe 3 ndeshje	600€ dhe 3 ndeshje	300€ dhe 3 ndeshje
52.18.	Pjesëmarrja apo realizimi i sulmit fizik apo ndaj lojtarëve, trajnerëve, zyrtarëve apo përfaqësuesve të ekipeve apo personave zyrtarë të deleguar në ndeshje apo personave zyrtarë të FBK që rezultojnë me lëndime të lehta trupore	5000€ dhe 5 ndeshje	2000€ dhe 5 ndeshje	1000€ dhe 5 ndeshje
52.19.	Realizimi i sulmit fizik ndaj lojtarëve, trajnerëve, zyrtarëve apo përfaqësuesve të ekipeve apo personave zyrtarë të deleguar në ndeshje apo personave zyrtarë të FBK që rezultojnë me lëndime të rënda trupore.	10000€ dhe 10 ndeshje	4000€ dhe 10 ndeshje	2000€ dhe 10 ndeshje

52.20. Dënimet me të holla për lojtarët, trajnerët dhe zyrtarët e klubit vendosen dhe paguhën në emër të klubit. Në rastin e vonësës së pagesës (para fillimit të ndeshjes së ardhshme), lojtarët dhe trajnerët pezullohen automatikisht dhe nuk mund të marrin pjesë në ndeshje ose të udhëheqin ekipin derisa të paguhet dënimi. Ndërkaq, dënimet e ndeshjeve aplikohen për individin në fjalë (ndalesë loje apo ushtrimi detyrë).

52.21. Për të gjitha instancat e përshkruara në nenet 52.1 – 52.13 (Pjesa A) më sipër, dënimet ndaj personave që kanë shkaktuar shkeljet do të dyfishohen **pas herës së tretë të përsëritjes** së shkeljes.

52.22. Në rast të përsëritjes së dënimeve sipas neneve 52.14 - 52.18 nga cilido pjesëtar i klubeve, i njëjti do të suspendohet deri në fund të edicionit garues dhe ndaj të tyre do të hapet me automatizëm procedurë disiplinore.

52.23. Përveç pikave 52.1 deri 52.4, shkeljet për pjesëtarët e ekipeve nuk konsiderohen shkelje mandatare dhe mbi to **lejohej ankesa.**

52.24. Me shqiptimin e dënimeve sipas këtij neni, Komisioni i Garave apo zyrtarët tjerë përkatës mund të kërkojnë edhe hapjen e procedurës disiplinore ndaj kryerësve të shkeljes.



52.25. Për të gjitha instancat e përshkruara në nenet 52.13 - 52.19 më sipër, dënimi i përshkruar me ndeshje mos-lojë për individët e përfshirë mund të përcillet edhe me dënim të terrenit ose zhvillim të ndeshje pa praninë e spektatorëve prej 1-8 ndeshje varësisht nga pesha e incidentit.

NENI 53 - VËZHguesi, GJYQtarët dhe GJYQtarët NDIHMËS

Nr.	Përshkrimi i shkeljes	Dënimi
53.1.	Kryerja e papërgjegjshme e detyrës, mos zbatimi i udhëzimeve dhe vendimeve të Komesarit të Garave, Komisionit të Garave, Propozicioneve të Garave, rregullave zyrtare të lojës	2 - 4 ndeshje
53.2.	Paraqitja jo objektive e fakteve në raport dhe fshehja e fakteve	2 ndeshje
53.3.	Dorëzimi jo me kohë i raportit të ndeshjes nga ana e vëzhguesit	4 ndeshje
53.4.	Përdorimi i veshjes jo të rregullt për ndarjen e drejtësisë, mungesa e ndonjë pjese të veshjes (uniformës) apo të veshjes së ndryshme nga kolegët e tij	2 ndeshje
53.5.	Mosparaqitja me kohë në ndeshje (1 orë para fillimit të ndeshjes) vonesa <15min	1 ndeshje
53.6.	Mosparaqitja me kohë në ndeshje (1 orë para fillimit të ndeshjes) vonesa >15min	2 ndeshje
53.7.	Mosparaqitja me kohë në fushën e lojës (20 minuta para fillimit të ndeshjes) <5min	1 ndeshje
53.8.	Mosparaqitja me kohë në fushën e lojës (20 minuta para fillimit të ndeshjes) >5min	3 ndeshje
53.9.	Abstenimi nga ndeshja e nominuar	Largimi nga lista për edicionin garues
53.10.	Konsumimi i alkoolit në ditën e ndarjes së drejtësisë, para fillimit të ndeshjes	5 ndeshje
53.11.	Ndarja jo e mirë apo e dobët e drejtësisë sipas raportit të ndeshjes apo video xhirimit të ndeshjes.	2-4 ndeshje
53.12.	Bërja e gabimit material të rregullave të lojës, pa ndikim të drejtpërdrejtë në rezultatin përfundimtar të ndeshjes	2-4 ndeshje
53.13.	Mos dërgimi i vlerësimit nga gjyqtarët e nominuar në Superligë brenda afatit.	1 ndeshje



53.14.	Bërja e gabimit material të rregullave të lojës, me ndikim të drejtpërdrejtë në rezultatin përfundimtarë të ndeshjes	8 - 10 ndeshje
53.15.	Gjyqtari apo vëzhguesi i cili tenton ose realizon sulmin fizik ndaj lojtarit, trajnerit, personit zyrtarë të skuadrës, kolegut, vëzhguesit, gjyqtarit apo person tjetër zyrtar	Largimi nga lista për edicionin garues
53.16.	Gjyqtari apo vëzhguesi i cili nuk merr pjesë në seminarët dhe testimet e obliguara para dhe gjatë edicionit garues	Largimi nga lista për edicionin garues
53.17.	Gjyqtari apo vëzhguesi i cili publikisht kritikon vendimet e FBK, punën e Komisarit të Garave dhe Komisioneve të FBK-së	Largimi nga lista për edicionin garues
53.18.	Sjellja e pahijshme dhe joprofesionale e gjyqtarëve para, gjatë apo pas ndeshjes	1-3 ndeshje
53.19.	Shfrytëzimi i fjalorit ofendues, fyes, denigrues apo të papërshtatshëm ndaj akterëve të ndeshjes	2 ndeshje
53.20.	Komentimi publik i ngjarjeve nga ndeshja	1-3 ndeshje

53.21. Gjyqtari i dënuar tri (3) herë për shkak të mos respektimit të Propozicioneve, largohet nga lista për edicioni garues.

53.22. Për të gjitha shkeljet e shkaktuara nga gjyqtarët, gjyqtarët ndihmës, vëzhguesit, zyrtarët e FBK dhe personat tjerë të deleguar nga FBK për ofrim të shërbimeve gjatë ndeshjeve, Komisioni i Garave dhe organet tjera të FBK mund të hapin procedurë disiplinore.

NENI 54 - SHQIPTIMI I DËNIMEVE DHE MASAVE TJERA NDËSHKIMORE

54.1. Komisioni i Garave në shkallë të parë i shqipton dënimet për shkeljet e përcaktuara me këto Propozicione të Garave.

54.2. Komisioni i Garave mund të shqiptojë dënime sipas këtyre kriterëve për akterët e ndeshjeve edhe pse ata nuk janë shënuar dhe nuk janë sanksionuar nga ana e vëzhguesit dhe gjyqtarët, por është konstatuar nga video xhirimet e ndeshjes apo prezencës së tyre ose të zyrtarëve të FBK-së në ndeshje.

54.3. Për shkeljet e rënda të lojtarëve, trajnerëve, përfaqësuesve zyrtarë të klubeve dhe përfaqësuesve zyrtarë në ndeshje, dënimet shqiptohen edhe në bazë të Rregullores Disiplinore të FBK-së.



54.4. Dënimet e shqiptuara për ndalimin e paraqitjes në ndeshje, gjegjësisht kryerjes së detyrës në numër të caktuar të ndeshjeve, zbatohet sipas tempos së delegimit, në pajtim me orarin dhe kalendarin e garave kampionale dhe të kupës.

54.5. Në rast që dënimi i shqiptuar nuk është shërbyer në edicionin garues ai do të bartet në edicionin e ardhshëm garues pa marrë parasysh në ndërrimin eventual të shkallës së garave, klubit apo emërimit.

54.6. Personit të cilit i është shqiptuar dënimi kohor, gjatë kohës së mbajtjes së dënimit nuk mund të ushtrojë asnjë detyrë në sportin e basketbollit. Dënimi i shqiptuar kohor nga trupat e autorizuara botërore, evropiane dhe regjionale dhe Liga Unike do të vlejë edhe në ndeshjet e zhvilluara në FBK.

54.7. Në rast të shqiptimit të dënimit të një shkelësi, për dy apo më tepër shkelje në një ndeshje, dënimi i tërësishëm duhet të jetë diç më i vogël se sa mbledhja e të gjitha dënimeve.

54.8. Dënime mandatare konsiderohen edhe ato të shqiptuara për shkelje të rregullave të anit-dopingut nga organet kompetente, qoftë KosADA, WADA apo organ i FIBA-s.

54.9. Nëse Komisioni i Garave (organi i cili udhëheq garat), në procedurën e zbatuar, në mënyrë të pakontestueshme e vërteton se rezultati i ndeshjes në mes të dy skuadrave është kurdisur, atëherë të dyja skuadrat largohen nga garat dhe bien në një nivel më të ulët të garave.

54.10. Shqiptimi i çfarëdo dënimi sipas këtyre Propozicioneve mund të shërbejë si bazë për hapjen e procedurës disiplinore ndaj ekipit apo pjesëtarit shkelës të tyre.

NENI 55 - HUMBJA E NDESHJES ME REZULTAT ZYRTAR (FORFEIT) DHE HUMBJA E NDESHJES PËR SHKAK TË PAMUNDËSIVE PËR TË VAZHDUAR (DEFAULT)

55.1. Një ekip e **humb ndeshjen me rezultat zyrtar** nëse:

55.1.1. nuk paraqitet për zhvillimin e ndeshjes pa arsye të justifikueshme;

55.1.2. nuk ka pesë (5) lojtarë të gatshëm për të filluar ndeshjen brenda afatit të përcaktuar nga rregullat e lojës;

55.1.3. me veprimet e tij pengon zhvillimin normal të ndeshjes;

55.1.4. braktisë në mënyrë arbitrare fushën e lojës para përfundimit të ndeshjes dhe nuk kthehet për vazhdimin e ndeshjes pas kohës së time-out të mbetur për atë periudhë ose pas ftesës së gjyqtarit të parë,

55.1.5. refuzon të luajë pas urdhrit të gjyqtarit të parë;

55.1.6. paraqitet në ndeshje me lojtar, trajner ose person zyrtar i cili nuk ka të drejtë paraqitjeje, sipas akteve normative të FBK-së.

55.1.7. Në rastet e parapara në paragrafët 55.1.1 deri 55.1.6, ndeshja regjistrohet me rezultat zyrtar 20:0 në favor të ekipit kundërshtar dhe ekipit humbës nuk i takon asnjë pikë në tabelën e klasifikimit.



55.2. Ekipi që në një edicion të rregullt garues humb dy ndeshje me rezultat zyrtar i njëjti largohet nga garat e mëtutjeshme dhe në vitin e ardhshëm garues do të paraqitet në një rang më të ulët garimi. Në këtë rast, do të vlejë rregullimet në vijim:

55.2.1. Nëse klubi i larguar ka zhvilluar më pak se gjysmën e ndeshjeve, të gjitha rezultatet të cilat i ka arritur do të anulohen dhe të gjitha ndeshjet e regjistrohen 20:0.

55.2.2. Nëse klubi ka zhvilluar gjysmën apo më tepër se gjysmën e ndeshjeve në garat nga e cila është larguar, ato ndeshje do të regjistrohen me rezultatin e arritur, deri sa ndeshjet e mbetura deri në fund të edicionit do të regjistrohen me 20:0 dhe ekipit nuk i takon pikët për ato ndeshje.

55.3. Në fazën e play-off-it që zhvillohet sipas sistemit "më i mirë nga tri ndeshje", ekipi që humb një ndeshje me rezultat zyrtar e humb të gjithë serinë e play-off-it.

55.4. Në fazën e play-off-it që zhvillohet sipas sistemit "më i mirë nga pesë ndeshje" ose "më i mirë nga shtatë ndeshje", ekipi që humb një ndeshje me rezultat zyrtar e humb vetëm atë ndeshje me rezultat 20:0, ndërsa seria vazhdon sipas formatit të garës.

55.5. Nëse gjatë zhvillimit të ndeshjes një ekip mbetet me më pak se dy (2) lojtarë të gatshëm për të luajtur në fushën e lojës, ai e humb ndeshjen **për shkak të pamundësisë për ta vazhduar ndeshjen**. Në këtë rast:

55.5.1. Nëse ekipi kundërshtar nuk është në epërsi në momentin e ndërprerjes, ndeshja regjistrohet me rezultat 2:0 në favor të tij.

55.5.2. Nëse ekipi kundërshtar është në epërsi në momentin e ndërprerjes, rezultati i arritur deri në momentin e ndërprerjes mbetet në fuqi.

55.5.3. Ekipi që e humb ndeshjen për shkak të pamundësisë për ta vazhduar ndeshjen fiton një (1) pikë në tabelën e klasifikimit.

NENI 56 - NDALESA PËR ZHVILLIMIN E NDESHJES NË FUSHËN E EKIPIT TË DËNUAR

56.1. Në rast që klubi vendës është dënuar me ndalesë të zhvillimit të ndeshjeve në fushën e tij, duhet:

56.1.1. Që të caktojë vendin për zhvillimin e ndeshjes i cili është në largësi më së paku prej 30km nga vendi për të cilin është caktuar dënimi dhe palestrën e cila është e licencuar për zhvillimin e ndeshjeve kampionale.

56.1.2. Fusha e cila është caktuar për zhvillimin e ndeshjes mund të jetë edhe në qytetin nga është kundërshtari por nuk guxon të zhvillohet në sallën ku ekipi kundërshtar paraqitet si ekip vendase.

56.2. Nëse ndeshja zhvillohet në fushën e cila në krahasim me fushën e dënuar është në distancë më të madhe, ekipe vendëse është e obliguar që ekipit mik t'i kompensojë ndryshimin e shpenzimeve të udhëtimit. Ndryshimin e shpenzimeve të udhëtimit e përcakton Komisioni i Garave pas pranimit të dokumentacionit komplet për mënyrën e udhëtimit të ekipit mysafir.



NENI 57 - NDALESA E PREZENCËS SË SHIKUESVE

57.1. Në rast që ekipi vendës-organizatori është dënuar që ndeshjet vendase t'i zhvillojnë pa prezencën e shikuesve, i njëjti obligohet:

57.1.1. Që të sigurojë palestrën e regjistruar dhe licencuar për nivelin përkatës të garave, në pajtim me dispozitat e nenit 59; dhe

57.1.2. Që të sigurojë që në palestër, përveç ekipeve të jenë të pranishëm vetëm personat zyrtarë, kujdestarët, organi për sigurim dhe përfaqësuesit e mjeteve të informimit publik.

57.2. Sipas vlerësimit të rrethanave, dënimi ndalesa e prezencës së shikuesve mund të shqiptohet edhe si ndalesë e pjesshme e prezencës së shikuesve (ndalesë e përdorimit të tribunave/pjesëve të caktuara, p.sh. sektorët A, B, C, D dhe VIP ulëset).

57.3. Delegati i ndeshjes është i autorizuar që të verifikojë/kërkojë nga organizatori (vendosjen e prezencës së kufizuar të shikuesve) largimin e të gjithë personave jozyrtarë nga palestra, para apo nëse është e nevojshme edhe gjatë ndeshjes kurse vëzhguesi nuk guxon të lejojë që ndeshja të fillojë pa u plotësuar këto kushte.

57.4. FBK ruan të drejtën e dërgimit të ftesave zyrtare për pjesëmarrjen e të ftuarve të vet në ndeshjet e tilla.

NENI 58 - EVIDENCA E DËNIMEVE TË SHQIPTUARA

58.1. Komisioni i Garave dhe administrata e FBK-së janë të obliguar që nëpërmjet informatorëve të informojnë për dënimet e shqiptuara sipas xhirove apo kohës me terminet e sakta të caktuara dhe atë përmes postës elektronike.

58.2. Në rastet urgjente informimi kryhet nëpërmjet postës elektronike, kurse përmbajtja në informatorin e ardhshëm.

58.3. Komisioni i Garave para çdo edicioni garues njofton për obligimet e klubeve dhe dënimet nga edicioni i kaluar garues. Në të kundërtën klubet mbajnë përgjegjësi për lëshimet eventuale sipas këtij qëndrimi.

58.4. FBK do të mbajë evidencën e plotë të dënimeve të shqiptuara në formë elektronike dhe do ta vë këtë në dispozicion të palëve me interes, sipas kërkesës.

NENI 59 - DISPOZITAT PËRFUNDIMTARE

59.1. Të gjitha rastet të cilat nuk janë paraparë, apo nuk janë përfshirë në këto Propozicione, Komisioni i Garave i zgjedh me zbatimin e akteve të përgjithshme FBK-së dhe të FIBA-s.

59.2. Propozicionet e Garave i miraton Bordi i FBK-së në propozim të Komisionit të Garave.



59.3. Ndërrimet dhe plotësimet e këtyre Propozicioneve miratohen sipas procedurës së njëjtë të aprovimit të tyre. Gjatë një edicioni garues, Propozicionet mund të ndryshohen vetëm për raste që kërkojnë trajtim urgjent apo në rast të shfaqjes së rrethanave të jashtëzakonshme.

59.4. Interpretimin e këtyre Propozicioneve e jep Bordi i FBK-së, i cili mund ta ushtrojë këtë kompetencë drejtpërdrejt ose ta delegojë për zbatim te Komisioni i Garave.

59.5. Bordi i FBK-së autorizon dhe obligon Komisionin e Garave të FBK-së që të përpunojë dhe të jep tekstin e konsoliduar të Propozicioneve të Garave, në pajtim me frymën e përcaktuar dhe miratuar nga Bordi i FBK-së.

59.6. Këto Propozicione të Garave janë miratuar nga Bordi i FBK-së dhe do të zbatohen për edicionin garues 2026/2027.

Arben **FETAHU**

Kryetar



Federata e Basketbollit të Kosovës
Prishtinë, 30.07.2026